


# UKUSHININKISHA I CEBO CAKWE

 Natukontamike imitwe yesu pakashitafye akanono. Taata uwatemwikwa uwamu Myuulu, tuletotela ukuti tuli pano munshita ino iyabushiku. Ifwe, ifwe tuletotela ukuti natwishiba ukuti u Kubapo Kwenu kuli pamo naifwe. Nomba twapepa ukutiila Imwe mwalapyunga kuli cila umo pakati kesu, nga fintu tukwete ukukabila. Twaipusha ico mwi Shina lyakwa Yesu. Ameni. (Kuti mwaikalako.)

Cileumfwikafye icisuma ukukwata ifi ifisoselo ifilebomba. Nali uwabulanda kumusango wafyalubene ifyaliko mailo, i Mbila iyo Nalefwaya ukutiila imwe mwingaipokelela saana saana.

<sup>2</sup> Kabili Nalefwaya imwe ukuba abashininkisha ukuti mwinga mona ico. Yena e—enanga intu twakwata. Ifwe tatwakobwa ne chalichi. Twaba abakobwa muli Kristu, mwamona. Ena eilya Nshila imo. Ena ecifulofye cimo icaku cingililwa, ecifulofye cimo ico Lesa abikamo i Shina Lyakwe. Kabili Lesa atile Ena aali noku kumanya abantu mucifulo ico Ena asala ukubikamo i Shina Lyakwe; temumpongolo iili yonse, lelo mumpongolo intu Ena asala. Kabili muli ilya incende Ena emo aali noku kumanishisha abantu, kabili mulya mwine epela. Kabili tulesanga ukutiila Lesa tatalile abika i Shina Lyakwe pancende iili yonse lelo mu Mwana Wakwe, Yesu Kristu, nga fintu umwana yonse asenda i shina lyakwa wishu.

Kabili nomba mwatiia, “Ukuba, ico cinshi ico cicita ileelo? Cila umo atila, ‘Naba muli Yesu.’”

<sup>3</sup> Ena e Cebo. Ukutula, “Kukutendeka kwali Cebo, kabili Cebo cali pamo na Lesa, kabili i Cebo cali ni Lesa. I Cebo capangilwe umubili nokwikala pakati kesu.” Nakabili, calilembwa mu Kusokolola chapitala 19, lintu tukamumona Aleisa, Nabwina na Shibwina, Icakufwala Cakwe naitumpikwa mu Mulopa, “i Shina Lyakwe lyaleitwa ‘I Cebo cakwa Lesa.’” Ena e Cebo cakwa Lesa.

<sup>4</sup> Kabili, icakuti, Ena emaka yacincimusha. Ena e Mupashi wa Mushilo uyo uuli, ayo—ayo amaka ayesa mumibombele, ya Fyebo, ayalenga Yena ukubomba. Yena yafwile ukubombela capamo, nangu yena teti yabombe. Yena yafwile ukusenda Baibele yonse, Kristu onse, i Mbila nsuma yamwisulo.

<sup>5</sup> Ndefwaya ukulanda ukutiila, pali ili ibumba ilyo Namwene pacitunshi tunshi ubushiku bwafumineko, nali ishiba ukutiila yali nokwisuka, kabili Naliyamona. Ndefwaya ukutotela aba ababwananyina, balya abali pebumba, ilyacipandwa icale asuka amepusho mukwishiba! Kabili Ine ndi kasusha uwacilapo nganishi, namwishiba, nangu cibe ifyo, tapali nangu cimo

icakususha palya. Cena cali icituntulu icine cine, kabili Nalesuminishako kuli ico, muli ico muli andeleti pesenti. [Ulukuta lwasumina—Kale.] Natotela. Ameni. Yalya amasuko yaali ayalungama ukufika pacikomo. Icine cine nalitotele ico. Ndekabilafye nga cakutiila Nalikwete filimu iyakulangisha mu chalichi ku ng'anda. Cena caliba icisuma icine cine.

<sup>6</sup> Kabili Ndetotela ukwishiba ukuti—ukuti Lesa alibombelapo mumibele imbi, ukulundapo kwi bumba lyesu ilyaba Pentecosti, kabili balebula abantu, shilya imbuto shakwa Lesa, ishaikala kulya imyaka yonse iyi, ukulolela pa Lubuuto ukubengeshima paali bena.

<sup>7</sup> Kabili cena ciletupela ukusokwa, bacibusu, ukwishiba ico Yesu alandile, “Lintu uyu nacisungu uwalele atampile ukuya mukushita Amafuta, ilyo elintu Shibwinga afikile.” Eico kuti twamwena kuli ico ukuti, lintu twamona ba Episcopo, ba Presbyteriani, ba Methodisti, ba Baptisti, ba Lutherani, baleisa mukupoka Amafuta, nomba ilyaine enshita intu Shibwinga aishile. Twibukishe ico.

<sup>8</sup> Nshatalile mona Billy, umwana wandi umwaume, ukulanda ifyaba ifyo kuli ine nga fintu acicita inshita iinono iyapitapo. Acitila, “Taata, teti Imyebe ifyakucita. Nshilepilibula ukuseksha imwe ukupitila mucintu icili conse, lelo,” acitila, “taata, conse ico mulecita, mulesungapo inshita iyabantu abalwele.” Acitila, “Nshamonapo abantu abengi abalwele!” Acitila, “Nacipela ifitupa imyanda ibiili munshita imofye nangu shibiili.” Acitila, “Kuli abantu abengi abalwele!” Tanjebapo icaba ngefyo ilingi line.

<sup>9</sup> Kabili Naisa muno bushiku nefyo nembele finono pano, kabili nefilandilwepo fimo palya kwisa kwabupingushi bwakwe, kabili nokwishiba ukutiila twikele pano munshita ino iyabushiku nobukali bwakwa Lesa buletusunkanya pesamba lyesu, kabili nombaline ena aali nokubupisha pa muulu. Kabili ukwishiba ukutiila ubukali bwakwa Lesa bulelolola; kabili pakashitafye cili nokulandwa, kabili cena cili nokupita, pama milioni. Kabili ukwishiba ukutiila mu mutima wandi, kabili nokwishiba ukutiila cili nokuba ifyo! Kabili twamona nabantu abengi abalwele, balesunkana noku tintana.

<sup>10</sup> Kabili Nacitontonkanya ukutila, “Munshita iyabushiku, abengi bena Kristu.” Kabili lekeni ndande kuli ici, imwe mwebana bakwa Lesa. Conse ico ulecita, ufwile walekelako ifintu fimbi fyonse fyaya. Iwe ulebombela Lesa, akasuba nobushiku, nomutima obe onse. Iwe, iwe kuti waumfwa ukuti paliko icintu cimo icilubene. Kuti walanda ico lintu uleenda mumisebo, iwefye. . . kabili naconse ico uleyako. Iwe nawishiba, nga cakuti iwe uli wabumupashi; kabili Ninjishiba ukutila waliba.

11 Kabili Nalelanda ku muntu, Munyina Stromei. Nshishibe nga cakutiila Tony ali pano, nangu iyo. Ena, ena ali . . . [Munyina atiila, “Tony Salameh?”—Kale.] Tony Salameh, Salameh, Salameh? Iyo. Uyu Tony teo ndefwaya. [Munyina alanda icintu cimo.] Iyo, uyo te Tony ndefwaya. Uyu no Tony waku—waku—waku Tucson. Ishina lyakwe ninani? [Umo umbi atiila, “Stromei.”] Stromei! Ninjishiba ena ni Salameh, Stromei, nangu umo. Bonse nimbeshiba . . .

12 Mwituka lyakwe ubushiku bumbi mwali umuntu uwaishilemo, aali uwakucebula nganshi, alelandapo icintu cimo ico icabwesesho kuli ine icakwibukisha, lintu Nali . . . inshita iyafumineko Nali mu—mu India.

13 Uko, Ndetontonkanya Shikulu atupele ibumba iyakulisha apakalamba ilyo tatwatala atukwatapo panshita imo, lyali nimu Bombay. Tatwakwete ne ncende apakubabika, amakumi yamakana namakumi yamakana aya bantu.

14 Kabili ilyo tatulafikafye kulya, kwali ipepala lya lyashi iyapilibwilwe. Ukuba, caba, India yakwata indimi shibili mu calo, lyena lyali—lyena lyali ipepala lya Mucisungu. Kabili lyatiile, “Ukuba, icinkukuma cifwile ukuti nacipwa, nefyuni filepupuka ukubwekelamo kumayanda yafiko namufinsa yafiko.”

15 Inshiku ishinono ilyo icinkukuma tacilaisa, ico icawishishe ifibumba fyakucingilila nefintu. Ifyuni ifinono fyaisangile umwakwikala mumabwe, nokukuula ifinsa fyafiko; kabili mucungulo kasuba nangu mukasuba pakati, ilyo akasuba kabalika namaka, kabili nenama shonse shaiminine noku shinguluka ifibumba fyamabwe, pakuba mucimfule. Kabili panshiku shibiili ifyuni fyaikete panse mufimuti, fyafililwe ukuya mufinsa fyafiko; kabili inshiku shibiili, inama, impaanga ne ng’ombe, shafililwe ukubwela mupepi mucungulo kasuba, nangu ukulalolela muli filya ifibumba. Fyena—fyena fyaikete mulya mumpanga nokushintilila cimo necinankwe, pakukwata icimfule.

16 Nomba pamukufye umo, icinkukuma, casunkenyefye ifibumba nokulepaula ifikulwa. Kabili, moneni, nga cakutiila filya ifyuni ifinono fyali mulya, nga fyalifwile. Nga cakutiila ing’ombe yaiminine pesamba lyaciko kabili ne mpaanga, nga fyalifwile. Icakusoka icabubumbo bwakwa Lesa!

17 Inshiku ishinono ishapitapo, mulya mwine mwituka lyaka Munyina Tony, Nalekutika ku muntu mulya uwalelanda ukuti . . . Lintu ici icinkukuma cacitike mu Alaska, aleloba isabi muli cilya eco twita ati Stony Point, ku Mexico. Kabili atile, “Ifyuni fyalefilwa ukulya, kabili isabi lyalefilwa ukulya. Kwaliko icintu cimo icalubene. Kabili, pamukufye umo, icinkukuma caishile lepuka.”

18 Kabili ubushiku bumbi, kabili lintu cilya cimo cacitike kulya ku India, nangu konse uko cacitikile, atile aleloba isabi nakabili. Atontonkenye, “Ukuba, cena caali iceni. Pantu lilya isabi lilya panshita iyaba ngefi. Takwali necalelila mumenshi, ukuli konse. Amenshi yalifye ayatalala tondolo, inshita iisuma iyakuti isabi lilelya, lelo lyalefilwa ukulya. Kabili nefyuni fyonse ilingi line kulya, imembe, ishalelya ili isabi nefintu, fyonse fyaleendafye palulamba, fileitolokela cimo necinankwe. Munshita iinono, ifyamena panshi yamenshi fyatampile ukulaisa kwati nga *filya*, icinkukuma calicitike ukuya monse kulubali lumbi ulwamushili.” Moneni, isabi lilya lyalishibe ukuti kwali icintu cimo icalubene, icintu cimo calepanga ukutiila cicitike. Filya ifyuni fyaishibe icintu cimo cine.

19 Icine cine, nga cakutiila Lesa alipela isabi ne fyuni ukulingulula, Ena kuti apela abana Bakwe—Bakwe mukucilapo! Natwishiba ukutiila tuli panshita yampela, kabili nobupingushi bulelolola, lekeni tube abamucinshi uwine wine. Butukileni kuli Lesa nemitima yenu yonse! “O Kapenamu, iwe wewa imishiwa mu muulu, ukabweseshiwa panshi ukuya kumbo,” kabili ilelo alala pesamba lyabusanshi bwamenshi. Ibukishenifye, nokupepa.

20 Nomba, munshita ino iyabushiku, Ndefwaya ukubelenga pa ncende apo mu Malembo, pama minetifye ayanono. Twala pepelako abalwele. Billy acitila napela ifitupa ifingi ifyabakupepelapo. Kabili alipela nayambi mailo, kabili Nshapepelepo nangu umo ubushiku bwafumineko. Kabili Nalisunguka, lintu Mupashi wa Mushilo aishile...Cena califye...Iwe tekuti ucilenge Cena cibombe. Cena kubafye kwati cakucinjishako icinono, iwe waitinta palobe waibika muli giya. Niwe nomba weulecita kulya ukubomba ukwa Mupashi wa Mushilo, teine. Iwe niwe ulecita ico palobe. Eico Ine, ubushiku bwafumineko, Nalimona nangufye mukulingulula, cena tacabombele pabantu mukulungamafye. Bena tabamoneke ukucipokelela. Ninsanga ico, kuno nombalinefyeye, cilemoneka kwati, abengi nangu abanono, nga fintu fye Nacilalanda ukubika amaboko pabalwele, balishiba.

21 Ifwe tufwile twailuka ukuti muli ifwe mwalipelwa, ifwe fwe bacetekela Yesu Kristu kabili ukufyalwa ku Mupashi wa Mushilo kabili nokwisushiwamo nayalya amaka ayaku cincimushiwa, yalya amaka ayaba muli iwe. Ukupitiila mukubika amaboko pali bambi, kwati nga fintu abasambi bacitiile ukupita munkulo yonse, Cena mukupwililika caundepe abalwele, ukwimya abafwa, Cena calangishe ifimonwa, ubusesemo ubwingi. Kabili no Mupashi umowine ulya uwaikele pabatumwa bakubalilapo euleikala mu chalichi ileelo, ukulabomba ifintu fimo fine. Kabili mukwangufyanyafye nga twaishiba cilya! Mwamona, temulandu nomusango cena cilebombelamo, ufwile waishiba cilya nokucetekela cilya. Cena teti cicitope icintu icinono cimo

icisuma, mpaka wacetekela cena. Lelo inshita ilyaine wacetekela cena, amafya yobe ninshi yapwa. Ico cacine.

<sup>22</sup> Nomba natwisule mu Malembo. Nacikala palya, inshita iinono iyapitapo, nacilemba Amalembo nayambi ayanono ukulundapo, ukucinja isambililo lyandi ilya munshita yabushiku. Kabili Ndefwaya ukubelenga yamo ukufuma mu Cebo cakwa Lesa, ukufuma mwi Buuku lyakwa Luka Washila, chapitala 8, ukutampa na versi 40. Kutikeni nomba, Nalabelenga ifingi.

*Kabili caishile fikilishiwa, ukutiila, lintu Yesu abwelele, abantu bamupokelele nensansa: pantu bonse balemulolela ena.*

Bushe iyo teti ibe imibele iisuma iyebumba muno bushiku?

*Kabili, moneni, kwaishile umuntu weshina uwitwa Jaelo, kabili aali nikatungulula we synagoke: kabili awilile pankansa shakwa Yesu, nokumufwaya ukuti engaya nankwe ku ng'anda yakwe:*

*Pantu akwetefye umwana umo umwanakashi, pa myaka yakufyalwa ikumi limo naibiili, alambaleleko. Lelo nga fintu aleya abantu balimukungile ena.*

*Kabili nomwanakashi uwakwete ubulwele bwamulopa uwali nemyaka ikumi limo naibiili, uwaposele ubwikashi bwakwe bonse muli bashi ng'anga, kabili bafililwe ukumundapa kulibonse ubulwele,*

*Aile kunuma yakwe, nokumu kumyamo kunsempe ya cakufwala cakwe: kabili palya penefye nobwafya bwamulopa bwakwe bwapwile.*

*Kabili Yesu atile, Ninani uwa nkumyamo? Lintu bonse bakene, Petro nabonse balya abali pamo naena batiile, Shikulu, cinkupiti acimikunga imwe nokutitikisha imwe, kabili imwe muletiila, Ninani ankumyamo ine?*

*. . . Yesu atiile, Umuntu umo na nkumyamo ine: pantu Nailuka ukuti amaka yafumamo muli ine.*

*Kabili lintu umwanakashi amwene ukutiila tafiseme, aishile aletutuma, noku pona panshi kucinso cakwe, kabili nokulanda kuli ena kucinso cabantu bonse umulandu ena amwikatilemo, kabili nafintu aundepwe palya pene.*

*Kabili atiile kuli ena, wemwana Mwanakashi, ba necitalaliko icisuma: icicetekelo cobe naci kundapa iwe; kabili mu mutende.*

*Kabili ilyo ena . . . alandile, palya umo ifi uwacishinka aishile ukufuma kuntungulushi yamu ng'anda yamu*

*synagoke, nokulanda kuli ena ukuti, Umwana obe umwanakashi nafwa, wicusha Shikulu.*

*Lelo lintu Yesu aumfwile ico, amwaswike ena, ukutiila, Witina iyo: cetekelafye, kabili ena alaba umutuntulu.*

*Kabili lintu aishile ingila mu ng'anda, tasuminishe umuntu nangu umo ukwingilamo, kanofye Petro, . . . Yakobo, na Yohane, na wishi nanyina wamu kashana.*

*Kabili bonse baloseshe, . . . bamulilile ena: kabili atiile, Mwilosha iyo; tafwile iyo, lelo alefye.*

*Kabili basekele nokumupumya, ukwishiba ukutiila ena alifwile.*

*Lelo abafumishe bena bonse panse, kabili amwimishe kukuboko kwakwe, nokwita u mukashana, ukutiila, Mukashana, buka iminina.*

*Kabili umupashi wakwe wabwelele nakabili, kabili aimine palya pene: kabili abebele ukumupela icakulya.*

*Kabili abafyashi bakwe bali sungwike: lelo abebele ukutiila be eba nangu umuntu onse pali ico icacitike.*

<sup>23</sup> Nomba natupepe. Taata mweba Temwikwa abamu Myuulu, nga fintu twabelenga ici Cebo, natwishiba ukuti ukuti ecine. Ici ecacitike. Lyena te lyashi limo ilyabufi ilyo twingabelenga ukufuma nalimo ipepala lyelyashi atemwa ibuku limo ilya kulondolwelamo amashiwi, lelo ici caishile ukufuma mwi Buuku ilyo twaishiba ukuba i Cebo cakwa Lesa. Twalicetekela calicitike. Twalicetekela ukutiila uyu Yesu ulya uwacitile ici cintu icikankala, ifyakumwenako fibiili apa, icamanakashi wa mulopa, nomwana wafwa, twacetekela ukutiila Ena Mwana wakwa Lesa, untu Lesa a Mubushishe ukufuma kubafwa kabili namupela Ena kuli ifwe, muli ino inshita yabushiku, mu muntu Mupashi wa Mushilo.

<sup>24</sup> Kabili natucetekela ukutiila Aali pano pamo naifwe muno bushiku. Kabili nokucetekela ukuti Aba cimo cine mailo, ileelo, no muyayaya, inkumbu Shakwe shifike pa bantu. Nga fintu abantu nabo balefika kuli Ena, ukunonkelamo kumo kwine ukwapelwe muli bulya bushiku kwalapelwa na muli buno bushiku. Fikilisheni ico nakabili, Taata, ukutiila twinga kwata ukusubwa kumo kwine ukupya. Nga fintu Munyina Shakarian acipusha mu cishinka, pakashita akanono akapitapo, kabili acipusha ibumba ukucetekela, kabili tuleipusha mwi Shina lyakwe Yesu Kristu. Amen.

<sup>25</sup> Ndefwaya ukulanda panshita inono, kabili ico calabafye panshita inono, pantu Ndefwaya ukubula abantu bonse abakwete ifitupa fyakupepelwapo ukwisa pano pa muulu nokubapepelako. Kabili kwalashala ifintu fimo lelo twalappelako abalwele. Lelo ilyo tatulapepelako abalwele,

tufwile twabika abantu muli ilya mibele. Yena mibele ilya lyonse ileta ifisabo. Yena mibele intu utwala ukulola kuli Lesa.

<sup>26</sup> Apa pali umwanakashi uwaikete ku cakufwala Cakwe, alyundepwe, ku bwafya bwa mulopa. Uwabulwi umushilika afwishile amate pa mpumi Yakwe noku bika icilongwe camyuunga pa mutwe Wakwe, kabili aumfwile amaka yapwa.

<sup>27</sup> Cena caba ku kupalamina kobe. Imibele eflyo cena cisenda. Kabili ifyo eflyo cena ciili mu nshita ino iyabushiku, we cibusa watemwikwa, cena cisendafye imibele. Ifyo twaba, kabili ukucetekela ifyo ifwe twaba, mu Kubapo kwakwa Yesu Kristu, lelo yena mibele yobe eileta ifisabo. Ifyakubomba fili pano, kabili nefyakubomfya pamo. Nga cakuti kuti iwe watampakofye, Lesa ali nokucita ifyashalako.

<sup>28</sup> Nomba, ili isambililo lintu Ndefwaya ukulandapo, mu nshita inono, lilipa: *Ukushininkisha I Cebo Cakwe*. Nomba ico cintu icikalamba nganshi, ukutontonkanya pali ico: *Ukushininkisha I Cebo Cakwe*.

<sup>29</sup> Nomba Lesa alifye uwakushininkisha i Cebo Cakwe, muno nshita yabushiku, nga fintu Ena atalile ukucishininkisha Cena. Kabili Baibele nayo yalanda ukutiila, “Muleshininkisha ifintu fyonse. Mwikatilile kuli ico icaba icisuma.”

<sup>30</sup> Nomba namumfwa, takuli ukutwishika, namumfwa ipinda lyakale, “Shininkisha ico, Ndinoku cicetekela ico.” Lelo muli ico tamwaba icine icaikatilila. Imiku iingi Nalimona ifintu ifingi ifyashininkishiwa, ifyo ifyali mukupwililika na scienci yalishininkisha ifyo, kabili cibe abantu tabacetekela cena nangu cibe ifyo.

<sup>31</sup> Nalelanda ku muntu, pano tapa pitile inshita. Twalelanda pabundapishi bwa maka yakwa Lesa. Atile, “Ine teti nceetekele ico. Nshilesakamana ico icinga citika, nobwingi bwakushininkisha ubo iwe wingalangisha pali ico, Ine ncilifye uwakukana cetekela ico.” Ukuba icine cine, temulandu neco iwe wingacita pali uyo muntu, ena—ena aliluba. Ena tekuti acetekela. Tamwaba nangu cimo muli ena, icaku cetekela.

<sup>32</sup> Ine nakwetefye icakupitamo icinono pano, pamulungu umo uwapitapo, nga fintu imwe bonse mwaishiba ukuti Ine—Ine ndalunga. Kabili lintu Nafumine ku misonkano yandi, Nalelunga inkalamo. Kabili lintu Naselele ku Arizona, cena cisuma, Nalitemwa ukulunga inama ishikalamba, kabili Nalitemwa ukufuma nokuba pakati kafya bubumbo nokula fimona.

<sup>33</sup> Nomba, Nshili kepaya. Ine nungafye. Eico, Nsha—Nshatemwa ukonaula inama, Ine—Ine nshitontonkanya ukuti ico cintu calungama. Ine ntontonkanya ukutiila cabafye lubembu ulukalamba ukwipaya inama, lintu taulebomfya cena kabili nokucibomfsha kubwiminishi bumo, nga fintu cena cingaba ukwipaya icintu conse cimbi. Nacetekela ukutiila cena

cintu calubana. Tatufwile ukucita ico. Lesa apele ifyo kuli ifwe ukuba ifyakulya kabili nakubukabilo, kabili tatufwile ukufyonaula fyena. Lelo nomba fintu amafunde yalanda ukuti kuti mwafibula, nacilungama. Tamufwile ukufyonaulafye fyena.

<sup>34</sup> Kabili Ine kulya, inshita naifika iya fintu fimbi ifili fyonse. Inkalamo shilepaya ing'ombe ishingi. Kabili Nalishiba bakateeka banama mu calo. Kabili inshita yonse lintu baipaya, cinshi, balanjita ine, lintu inkalamo yaya pakati ka mpaanga. Cibusa wandi umu, ubushiku bwafumineko, alufishe ama dolla amakana yatatu-na nemyanda isano, munshita yabushiku bumo, ukupitila munkalamo ukwipaya abana ba mpaangafye. Ena aingile mukati, kabili, ifyo fine, inkalamo shashalako shili nokulipila palubembu lwakwe. Kabili eico Naipeye inkalamo, kabili eico yena yaali inkalamo iikalamba nganshi, yalepele ama fuutu pabula, kabili nokufima mupepi na fibiili ukulundapo, eico yena yali—yena yali inkalamo iikalamba.

<sup>35</sup> Kabili Nafumine mu calo ca Arizona, ukuya mu Utah, mukulunga. Kabili eico ba Njebela ukutiila kwali abantu kulya, ukutila kwali umuntu untu Naali nokuya nankwe mukulunga pamo, aali uwabuteko uwipaya nefiteyo, “Kabili, ukutila cingakuwamina, wilumbula nangu cimo palwa mipepele, pali ena.” Atille, “Ena muntu umu uwakankala saana.”

Kabili Natile, ukuba, Naebela umuntu Naleya nankwe pamo, Natiile, “Nshalumbule ico.”

<sup>36</sup> Ena atile, “Witila ‘kashimikila.’ Ngawacita ico, walafilwa ukuya mukulunga. Ena takusende ukukutwala.” Atille, “Nalilungilepo naena inshiku shitatu, kabili nalelala nankwe cila bushiku, ukulya pamo nankwe, kabili ena tatalile alanda napo, ‘Mwashibukeni. Mulishani? Ulefwayako cimo icakulya? Ukuwama ifipe.’ Takwali nangu cimo!” Atille, “Nomba iwe wilandapo icintu nangu cimo palwa ico.”

Natile, “Nshalandepo ishiwi.” Eico Nshamwebele ukutiila Nshapepe, lelo Natwalililepofye ukumweba ukutiila Ndi... Kabili Ndapepa.

<sup>37</sup> Eico lintu twafikile kulya, umuntu ulya waba ne mibele iya kosa nganshi, kabili Ine nshatontonkenye napo ukutiila aali cetekelepo icintu icili conse. Kabili elyofye alufishe umwana inshiku ishinono ilyo ico tacilacitika, umwana uwafwa. Eico, twaile tulelunga. Kabili pa bushiku bwalenga shibiili, umuntu ulya Nalelunga nao aali mwebele ena, atile Mfwile nalunga monse mu ncende ukushinguluka icalo. Eico lintu fundi umbi, uwali pamo naine, afuminepo, twali pamuulu wa mpili; apo twabutwishe inkalamo, mpaka twafika namu mabwe, kabili yabutwike ukuya. Kabili eico twali palya tulelelela imbwa ukubwela. Kabili uyu muntu atile kuli ine, atile, “Fundu umbi,



cibusa obe, alanjeba ukuti iwe ulalunga ukuli konse. Walikwata ulupiya ulwingi?” Atile, “Ndetunganya cena temulimo wandi.”

Kabili Natile, “Iyo,” Natile, “lwena te lupiya ulwingi.” Natile, “Ine—Ine bantungililafye.”

Kabili atile, “Oh, Namona.” Atile, “Ukuba, Ndetunganya wena temulimo wandi nakabili, lelo,” atile, “bushe iwe waliba nakampani ako akakutungilila?”

Ena alefwaya ukucileta kuli ine ukuti ncilande. Nalaile ukuti Nshinga cita ico, mwamona. Eico Natile, ee, Natile, “Iyo, mukwai. Nine kashimikila, minsioni.”

Ena atile, “Cinshi?”

Natile, “Minsioni.” Kabili aimininefye nokulolesha pali ine pama mineti ayanono.

Natiile, “Bushe walikwata isubilo ili lyonse ilya Mweo panuma yauno? Isubilo lyobe ni cinshi?”

Atile, “Ndi wakwa Jack Mormon.”

Kabili Natile, “Caba icamusango shani?”

Atile, “Jack Mormon.”

Natile, “Camusango shani ico?”

Atile, “Ni ulya alapa kabili nokunwa koffii nokupeepa imishanga.”

Natile, “Ukuba, ukulanda kwacishinka kwaliwama ku mweo.”

<sup>38</sup> Kabili nomba atile—atile, “Ndefwaya inkwipusheko icintu cimo.” Atile, “Ine balinjeba ukutiila i chalichi caba Mormoni e chalichi cimofye icaba i chalichi ca cine icabako.” Atile, “Bushe iwe walicetekela ico?”

<sup>39</sup> Natile, “Nga kwisa ku ma chalichi, Ndetunganya cena cawamafye nga fimbi. Naishibafye Icine cimo, kabili noyo ni Yesu Kristu.” Natile, “Nalishiba ukutiila Ena Wacine.”

<sup>40</sup> “Ukuba,” atile, “Nalikwata umwana uwafyelwe ubushiku bumbi ubwafumineko, uwafwa.” Atile, “Ine balinjeba ukuti uyu mwana, pantu ena afyelwe uwafwa, Lesa taputilemo umupu wa mweo muli ena, ukutila Nshakatale mumona ena nakabili.” Atile, “Uletontonkanya shani palwa ico?”

<sup>41</sup> “Ukuba,” Natile, “Iwe tawakamumone nga umwina Jack Mormoni, iwe icine cine tawakamumone. Ico ecintu cimo icacine, iwe tawakamumone ena nga cakutiila iwe watwalilila ukwikalilila ngo mwina Jack Mormoni.” Kabili atile. . . Ukuba, alefwaya ine nande, eico Naine namubweseshe kunuma panono, mwamona. Twalikwete—twalikwete inshita iyakubwesesha kunuma. Eico atile—atile. . . Natile, “Bwafya nshi?”

Atile, “Oh, Nshishibe.” Kabili atile, “Ukuba, cinshi ico uletontonkanya?”

Natile, “Nalishibana nabengi abasuma . . .”

<sup>42</sup> Nshaishibe ukuti aali ni Mormoni. Kabili Ine naali nganshi . . . Ninjishiba, ukuba mu Utah, limbi caali, lelo Ine . . . pantu abantu abengi kulya niba Mormoni, ukushinguluka Salt Lake City. Iyi tayali ni Salt Lake City, nangu cibe ifyo. Eico Natontonkenye ukuti, “Ukuba, Nalikwatapo ba cibusa bamo abasuma ba Mormoni, basangwa namumilongo yakupepelwa, abantu abasuma.”

<sup>43</sup> Kabili Natile, “Nalikumanyapo abantu bamo abasuma nganshi abo—abo ba Mormon.” Kabili atile, ukuba, atile . . . Natile, “Nshaishiba ukufunda kwabo palwa ico, kabili Nshingafwaya ukulanda icintu cimo icapusanako kumifundishishe yabo, pantu ifyo eflyo mwaba, kabili Nalipela umucinshi uukalamba pali ico.” Kabili Natile, “Ukuba, kabili iwe walicetekela ico?”

Atile, “Ee, mukwai, eflyo Nacetekela. Lelo,” atile, “Ine nshikonka ukwikalilila pali ico.”

<sup>44</sup> Natile, “Ukuba, Ine nacetekela ukutiila Baibele ifundisha ukutiila Lesa aishibe ulya umwana, ama millions yamyaka yapitapo, ilyo nomufula we sonde taulabako.” Natile, “Lesa aebele Yeremiya, ‘Ilyo taulati wimitwe mwi fumo lyakwa noko, ilyofye taulati ufyalwe ukufuma mwi fumo, Nalikwishibe iwe, nakushishishe, nokukulashika kasesema kufyalo.’” Natile, “Uko ekwishiba ukukalamba kuntu Ena aishibe palwa ico, mwamona.”

Atile, “Ukuba,” atile, “natotela.”

<sup>45</sup> Atampile ukwenda aletentemuka ulupili lunono. Kabili akumene nauya umuntu umbi, kabili atile, “Mulandu nshi tawacinjebela ukuti ulya muntu nikashimikila?” Kabili eico ifwe . . . Alandile nankwe pakashita akanono kabili atampile ukumweba palwa misonkano.

<sup>46</sup> Nomba, ba Mormoni bacetekela mubusesemo. Ine nshacetekela . . . limbi tekuti kube uuli onse pano, lelo bena—lelo bena balicetekela mu—mubusesemo. Lelo, eico limbi Ndelanda ukufuma pafya mwisukuulu, lelo Ine . . . Ee. Ee. Lelo, nangu cibe ifyo, bena balicetekela.

Kabili atile, abwelele kuli ine, atile, “Nakutuluka ukutiila iwe uuli kasesema.”

Natile, “Iyo, mukwai.” Natile, “Ine . . . Shikulu Anangisha ifintu ifinono ifili nokucitika.”

<sup>47</sup> Kabili apo pene afuminapo, palya pene, atile, “Natwingile mukati.” Kabili aingile muli motoka, nokuya aletentemuka ukuya ku . . . kwali umusumba unono untu aleikalamo. Mu kashita akanono, tamoneke napo. Twalepekanya imbwa, ukuti tupoke insambu shakulungilapo panuma yacakulya capakati

kamutwe. Kabili lintu twacitile ico, mulandu nshi, afuminepo aya muli motoka.

<sup>48</sup> Mu kashita akanono, umulumendo umusepela uumoneka-bwino abwelele, uwamyaka ikumi limo nacine lubali iya kufyalwa, umutuntulu uwashila-mukumoneka shimucindikwa umwina Kristu. Atile, “Uyu ni munyinane.” Atile, “Ena te mwina Jack Mormoni. Mu Mormoni umutuntulu.”

Natile, “Uli shani, we mwana?”

Kabili atile, “Ningumfwa, ifyo munyinane anjeba, ukutiila iwe uli kasesema.”

Natile, “Iyo, mukwai.” Natile, “Cena tacili ukutiila Ine ndi kasesema.” Natile, “Shikulu Nananga ifintu ifili nokwisa fikilishiwa.”

<sup>49</sup> Atile, “Ine nombaline nabantunga inyeleti kukuboko, Mfwile ukuba petebulo lyakubombelwapo.” Atile, “Lelo munyinane eunjebele ici. Kabili Nacitila, ‘Nga cakutula ico cilifyo, Nshilekabilwa ukubombelwa.’” Andoleshe mukulungatana mumenso, uwacishinka, uwacine, ukulolesha ukwacishinka, atile, “Iwe bika amaboko yobe pali ine. Nga cakutula ifi fintu fyaba ifyo, Nshilekabilwa ukubombelwa.” Ena aile ku ng’anda uwaundapwa.

<sup>50</sup> Uyu munyina, cibusa wandi umwina Kristu, aelungila pamo naine, ukufuma ku Phoenix. Atile kuli ine, atile. . . Bamo aba abalumendo abekele pano nombaline. Umo pali bena Ninjishiba ali pano. Twaile ku ng’anda. Atile, “Munyina Branham, nga cakuti Shikulu akulangisha icimonwa nokuleka iwe ukweba ba Mormonifye pafili nokucitika, ico kuti cacita icisuma, pantu bena eco balefwaya.”

<sup>51</sup> Eico, Napepele no Kupepa. Kabili munshila yandi ndebwelela ku ng’anda, Nalebwela, pali Cimo yakonkelepo, pa Mulungu, panshita ya teni koloko, Naiminine mu muputule, panuma yakufuma ku chalichi mulucelo lulya, kabili nalolesha panse.

<sup>52</sup> Kabili Namwene ukubyasha kwama laiti, nangu cimo icaba ngolubuuto lulebyasha. Kabili Namwene inkalamo iyali mu cimuti, kabili—kabili yena yali iinono nganshi kuli ine ukuipika. Nshalefwaya yena. Kabili kwali umuntu umu umbi uwailashile yena, kabili, lintu bacitile ico, bena baipikile nemfuti iikalamba nganshi. Yena inkalamo bali isantaawile. Nshatotele umu—umu—umusango baicitilemo.

<sup>53</sup> Lintu Nafikile ku Phoenix, Naebele Munyina Dawson, na Munyina Mosley. Ninjishiba ali pano. Nalimumwene ubushiku bumbi, pancende imo pano. Kabili aali nokuya naine, ena nomukashi wakwe. Kabili Natiile, “Imwe loleni kabili moneni, ico catila ukuti EFYA SOSA SHIKULU. Cena cili nokucitika muli iyo ine inshila.”

<sup>54</sup> Inshita sha bushiku twalolele, imiku ine nangu isano, twalungile, nangu inshiku. Ilingi line teti umone inkalamu naikala mucimuti mubushiku. Cacitike ukuti, yena yaleenda ukwisa ku ng'anda, bakakwile imbwa, kuli uyu umulunshi, uyu umulumendo umu Mormoni. Kabili i—inkalamo yasangile muntu yalepita, nangu imbwa yasangile umwalepita ankalamo, ukuba, nokuibutusha yena yanina kucimuti. Kabili pa teni koloko baishile twimya ukufuma mubusanshi. Twafumine panse palya, kabili kulya kwali ilya ine inkalamo imo ine mucimuti. Ilebyasha ulubuuto, Munyina Mosley aipikile yena pamo na fote-fole uwa muyengo, kwati yaputwile inkalamo mufiputulwa fibili. Kabili palya epo yali, mumusango umo wine calandilwemo.

Ubushiku bwakonkelepo, Nakumenye umukalamba waba kasunga wanama shacalo, umbi nao uwa muli ba Jack Mormoni. Abulile abalumendo bonse capamo, ukubatangulula ukubabwesha ku ng'anda kuli Kristu.

Ndemweba, Aba cimo cine mailo, ileelo, nomuyayaya. Lesa ashininkisha i Cebo Cakwe ukuba ifyo.

Mwalyumfwa abantu batila, “Ukumona eku cetekela.” Ico conse tacaba icine. Abantu abengi balamona kabili batwalililapofye ukukana cetekela.

<sup>55</sup> Inshiku shintu Yesu aali pano pe sonde, mulandu nshi Ena tabamwishibile, ukutiila Aali ni cilya i Cebo cakwa Lesa icalangishiwe? Mulandu nshi abantu tabailukile ico Mose alandile ukuti, “Shikulu Lesa wenu Akamimisha kasesema uwapalana naine?” Kabili Afikilishe i Cebo conse cintu Baibele yalandile ukuti Ena aali nokucita, lelo bena tabacetekele ico.

<sup>56</sup> Lelo Lesa, munkulo yonse alishininkisha i Cebo Cakwe ukuba icine. Ena lyonse alashininkisha i Cebo Cakwe. Nomba bena inshita shimo shimo bena balanda, ukutila, “Ukumona ekucetekela.” Tacaba ifyo. Lelo Lesa abafye uwalungama pakushininkisha i Cebo Cakwe munkulo Yonse.

<sup>57</sup> Twaishiba ukuti Ashininkishe cena kuli Adam na Efa, ukutiila lintu Ena atile, “Ubushiku buntu mukalyako, bulya ubushiku icine cine mukafwa.” Tufwile twasuminako kuli ico, ukuti ecine. Twacetekela ukuti, Ena alishininkisha ico kuli ifwe, kabili twaishiba ukuti cena ecine.

<sup>58</sup> Nomba twalabulamofye incende shimo shimo isho Lesa ashininkishemo i Cebo Cakwe. Natubule, mucaku mwenako, munshiku sha—shakwa Noah. Lesa alandile imbila kuli Noah ukutila icine cine yaali ninshita yafya bu scienci kabili caali icakusungusha. Takwali nangu umo uwali noku cetekela. Pantu yena tayatalile ailokapo pe sonde. Icishali icabu scienci!

<sup>59</sup> Limbi bena baali ninkulo ya scienci iikalambapo pali ilya inshita ukucila ifyo tuli nomba, pantu bakuulile ama pyramidi nefyapala ama sphinx, nefyaba ngefyo, muli shilya nshiku,

ifyo ifwe tatwinga kula nomba. Bali abaishibana namaka, ayaba kwati maka yafya kupanga, limbi ayam bomba nefintu fimo, ukutila bena balesumbula filya ifimabwe ifikalamba, ifyo ifyo tatwingemya ileelo. Lelo bacitiile ifintu ifikalamba ifya sayanshi. Bena balikwete ifintu fimo ifyo baleumikilako umubili ukuupanga ukumoneka uwacifyalilwa pamyaka ama andeleti. Twalilufya ifyo ifyakwishiba.

<sup>60</sup> Yesu atile, “Nga fintu caali munshiku cakwa Noah, efyo cikaba napakwisa kwa Mwana wa muntu.” Kabili twalishiba ukutila ifwe tuli nokwingila mu nkulo imbi iikalamba iyafya scienci.

<sup>61</sup> Kabili nomba imbila intu Noah akwete yaali nganshi iyapusanako ku kucetekela kwa muli bulya ubushiku, mu chalichi, kabili yena yaali pamo iyapusanako nganshi ku fyakufwallisha ifya muli scienci. Lelo Lesa ashininkishe i Cebo Cakwe ukuba icine. Lesa ashininkishe ukuti cintu kasesema alandile ecaali icine.

<sup>62</sup> Kabili twalabula imbi pakashitafye akanono. Abrahamu aali ni kasesema umbi uwakwa Shikulu, untu i Cebo caishileko. Kabili noku mweba, lintu aali ne myaka yakufyalwa amakumi cine lubali-nayasaano, na Sarah aali ne myaka amakumi mutanda-naisaano iyakufyalwa, ukutiila aali nokukwata ena umwana muli Sarah. Nomba, ico cena caali cakumusungusha uusha cetekela. Bushe kuti mwaelenganya, ileelo, icaba ngefyo ukucitika nangu ni muli buno bushiku, pamo nafyonse ifyasangwa ifya scienci, kabili nafyonse ifi ifya bana ba mumipaipi abo balandapo, nefyaba ngefyo? Lelo uyu umwanakashi umukalamba, nomba uwamyaka amakumi mutanda-naisaano iyakufyalwa, kabili no mwaume umukalamba uwa myaka amakumi cine lubali-naisaano iyakufyalwa, lelo i Cebo cakwa Shikulu caishile kuli Abrahamu noku mweba ukuti ici cili nokucitika. Kabili Abrahamu acetekela Lesa. Nomba, temulandu nefintu Lesa alandile, kabili nefyo cena caali ica cine, Abrahamu acetekela cintu Lesa alandile, ukucilenga ukuba cena ifyo fine. Nomba lolesheni ifyo umuntu ulya aeshiwe, pamo nobunte bwakwe ubwa kuti ena aali cetekele.

<sup>63</sup> Ulya umuntu umo wine uwalandile filya, ukutiila acetekela Lesa, ena muntu kwati fintu iwe waba, nawikwala napo munshita ino iyabushiku. Ifwe tucili tulecetekela Lesa. Ifwe tufwile ukucetekela i Cebo Cakwe e Cine. Kabili Aali nokucishininkisha cena, ukutiila Cena e Cine, nga cakutiila ifwe twacetekelafye cena.

<sup>64</sup> Nomba moneni pacakucinga cintu Abrahamu akwete. Icintu cakubalilapo caali myaka yakwe, amakumi cine lubali-naisaano imyaka yakufyalwa, na Sarah aali na makumi mutanda-naisano. Ena alipitilepo pa kucinja kwa bwikashi, ubwakukwata abana.

Takuli ukutwishika lelo kwalekele, imyaka iingi ku numa. Ena aikele pamo nankwe ngo mukashi. Aali ninkashi yakwe wamuli ba wishu ba mulupwa bambi, amusendele limbi lintu alifye umukashana muli bumusepela, kabili amupile ena. Kabili takwetemo ena abana. Ena aali mukupwililika ing'umba. Kabili nombamba tulesanga ukuti, mukucita ici, ena aleipatulako ku bantu bonse abo abashacetekele, mukuti kwingaba ukucilenga cena ukwisa fikilishiwa.

<sup>65</sup> Nshilepilibula ukuti imwe mufwile mwaipatulako mwebene palwenu ku bantu. Lelo imwe mufwile mwaipatulako palwenu ukufuma ku lwambo lwakukana cetekela, kabili nokufumako kuli ico. Lintu abantu balanda ukuti, “Ah, ifyo ifintu taficitika! Lilya libumba lya bantu abapena! Takwaba icintu camusango ngoyo ukucitika,” iwe kwisalafye amatwi yobe nokufumapo. Taufwile ukumfwako kucaba ngefyo.

<sup>66</sup> Baibele yalanda ukuti “Abrahamu tasunkene iyo pabulayo bwakwa Lesa, ukupitila mukukana cetekela; lelo aali uwakosa, ukulalumbanya Lesa.” Ishina lyakwe lyapilibwike ukufuma kuli Abramukuya kuli Abrahamu, ukupilibulwa kwe shina lyakwe calengelwe ukupangwa kwe shina, “taata wanko.” Bushe kuti waingililamo umuntu ukwikala no mukashi wakwe, ngo mutemwikwa, ukutila aikala pamo nankwe nombamba pa myaka iingi yonse ngeyi, kabili nombamba pamo mu myaka iyaba amakumi cine konse konse iyakufyalwa, kabili no mukashi wakwe imyaka amakumi cine lubali iyakufyalwa, kabili cibe tabakwatapo umwana nangu umu nangufye isubilo ilili lyonse ilya kukwata umwana, cibe ena alelanda ukutiila aali ni “taata wanko.” Bushe kuti mwaingililamo ukusususha kuntu enga pokelela ku muntu umu umunankwe uulepitafye ifyo engalanda ukutila, “Taata wanko, nombamba banga bantu iwe ukwete pali ino nshita?” Kabili nokusususha konse kuntu ena apitilemo!

<sup>67</sup> Lelo Abrahamu tasunkene nangu pamo nakalya, ukwakukana cetekela. Acetekele ukutila Lesa aali nokubomba cilya cintu Ena alaile, Lesa ali noku shininkisha i Cebo Cakwe, temulandu nokukokola kwa nshita casendele. Lelo mucifulo cakuba uwanakilako cila nshita, kwati nga fintu tucita, ena alekoselako inshita yonse. “Nga cakutila tacicitike ileelo, mailo cena cikaba icisungusho icikalamba, pantu cena bushikufye bumo ubwacilapo.” Ulya aali ni Lesa, ulya aali ni Lesa muli Abrahamu, pantu alishibe ukutiila Lesa alashininkisha fyonse i Fyebo Fyakwe ukuba ifyo fine.

Nga abana Bakwe kuti basenda i Cebo Cakwe, pakuti Ena Acishininkisha ukupitila muli iwe! Uyo emusangofye umu Enga shininkishishamo i Cebo Cakwe.

Ena tacishininkisha Cena kubashacetekela. Teti bashininkishiwe; bena tabacetekela. Lelo, Cena tacabelako abashacetekela. Tecabashacetekela.

68 Cena ca uyo uwacetekela. Kabili ngakuti Asanga umuntu umo uyo uli nokucetekela i Cebo Cakwe, Ena ali nokushininkisha i Cebo Cakwe ukupitila muli iwe. Kabili inshita shimo amalwele nefintu ficitikila kuli ifwe muli uyo musango, ukutila Yesu enga ishininkisha Umwine eka.

Bushe uleibukisha umwaume impofu uo Yesu asangile? Batile, “Ninani wabembwike, ena nangu wishi, nyina wakwe?”

69 Atile, “Muli uyu umulandu, nangula, lelo ukuti imilimo yakwa Lesa inga sokololwa.” Mwamona, cena cacitikile kumulumendo pakutila Yesu akatamikwe. Inshita shimo shimo ukulwala tecitipu, cena lipalo, pakutiila twinga bika icicetekelo cesu kulya kabili nokwita filya fintu ifishabapo, kwati epo fyena fyaba. Lesa alanda ifi, kabili Ena aali nokushininkisha cena ifyo fine nga cakutiila iwe tauli uwanashiwa pesamba lya kweshiwa.

70 Ena ashininkishe Yobo, panshita imo, ukutiila Ena teti amutipe pacinso Cakwe. Lolesheni pakweshiwa kuntu Yobo apitilemo. Lelo panshi palya pene mufikatilo fyamfwa, ena cibe atile, “Shikulu Alipele, Shikulu asenda, libe ilyapalwa i Shina lykwa Shikulu!” Ena icine cine acetekele ico. Lesa ashininkishe i Cebo Cakwe kuli Yobo. Ashininkishe ico nakuli Abrahamu. Acishininkishe ukuba ifyo fine.

71 Mumusango umowine Ena acishininkishe ico kuli Mose. Kabili lintu Mose, lintu ubwafya bwamwimine, Mose acikwete cena mumano yakwe, ukutiila limbi, afwile aaba umulubushi, ukutiila nyina wakwe limbi alimwebele ukutiila afyelwe umwana mwine mwine. Ena—ena ewali kafundisha wakwe uwamukushishe mwisano lyakwa Farao, takuli ukutwishika alimwebele ukutila, “Mwana wandi, twalipepa ukutila twinga lubulwa, kabili twalicyetekela ukuti niwe we mwana untu Lesa ali nokubomfya mukutulubula.” Kabili nomba lintu ena . . .

72 Mwamona, aishile nokuba—ukuba umwana wa mwana mwanakashi wakwa Farao, kabili tulesanga ukuti ena aali nokuba impyani pacipuna. Mulandu nshi takuli nokutwishika cena caali mumano yabo lilya, ukuti ena eukaba Farao uwakukonkapo, “Kabili iyoine enshila iyo aali nokulubwilamo abantu, mukuba Farao wakonkapo.” Lelo Lesa akwete ica . . . Nga cakutiila ico caali nokuba ifyo, nomba ninshi ena aali nokucitla ico ukupitila mucintu, ukupitila mu—mu—mumicitile yafikansa fya calo. Lelo Lesa lyonse tabomba ngefyo.

73 Lesa alikwatafye inshila Yakwefye umwine iyakubombelamo, kabili Atile Ena aali “nokubafumya bena.” Aebele Abraham, “Panuma ya myaka imyanda iine.” Ena aali “nokubafumya, nokuboko ukwa maka,” Aali “nokulangisha ifishibilo nefisungusho.” Eico taali nokucita muli iyo nshila, eico Abra- . . . Tulesanga ukuti Abrahamu acetekele Lesa, kabili pano tulesanga Mose alecetekela Lesa.

<sup>74</sup> Kabili Mose aloleshe pe windo limo line lintu Farao aloleshapo, amwene abantu bamo bene. Ifyo Farao aleloleshapo pali bena, nga, “Abantu abatipwa, abantu abashakwete nangu cimo lelo ibumba lyabapena, pamulandu wakwa Lesa, kabili umo Lesa uwamuciswebebe kuncende imo untu bena tabaishibapo nangu cimo palwa ena; icintu cimo ico tabamona ico bapepako, ukutila tapali nangu cimo pali cena. Bena libumba lyaba pena. Kabili bena bali ibumba lya basha. Kabili Lesa wabo ukubalenga ukuba abasha, cashininkishe ukuti Ena taali ni Lesa.”

<sup>75</sup> Kabili palya pene pakati kacintu conse, Aale kusha ulya wine umuntu. Lesa acitila ifintu munsila ishaibela, palya pene pesamba lyabo. Tewa sambilila ifyamipepele, teka fundisha, te shimapepo, teumo pali balya abantu bamushilo; lelo umuntu uwabafye, uwafyalilwa ilyaine incito. Kabili Lesa amwitile ukuba kasesema Wakwe, nokumutuma kulya. Kabili ukwabula icintu nangu cimo mukuboko kwakwe kanofye inkonto yanyongana, ukuya lolenkana nababulwi, amabumba aya ampama bwino ukucimfya isonde lyonse. Lelo kuli ilya inkonto iyali mukuboko kwakwe nga fintu Lesa amwebele ukwikata ilya inkonto mukuboko kwakwe kabili ena aali nokupususha Israeli, kabili aile nokucita ico pantu Lesa alaile ukucita ico. Nimunshila nshi aali nokucitilamo ico? “Nkalaba pamo naiwe.”

Atile, “Nangisheni ubukata Bwenu, Shikulu. Ine ndamemensela pakulanda. Nshilanda ifyalungama. Kabili Ine . . .” Ena aali nama millions yafya kufisamamo.

<sup>76</sup> Lelo Atile, “Ndi nokulaba pamo naiwe.” Kabili ifyo fine efyo caali. Aile, nasenda i Cebo cakwa Lesa. Temulandu nobusanso buntu ulya mulimo wakwete, Mose atwalililepofye ukucetekela Lesa. Kabili na Lesa ashininkishe i Cebo Cakwe, ukupitila muli Mose, ukuba icine. Temulandu, necatitike, Mose aikele uwalungama pamo ne Cebo. Munshita yabulendo . . .

<sup>77</sup> Lesa alibebele mulya mu Egypto, pamo, ukuti Ena aali nokubalubula, “Ukubatwala mu calo cabulayo, icalo icisuma, icaisulamo umukaka nobuci.” Kabili fyena mukupwililika emo fyali mulya. Bena tabaishibe ukutila fyena emofyali, lelo Atile, “Emo fyaba, kabili Nimfipela kuli imwe. Fyena kale kale fyenu, kabiyeni nokuya fipoka!”

<sup>78</sup> Kabili mumatololo, lintu abengi bafumine, baleshanina mu Mupashi, lintu Miriamu alishishe icisekese; balelya manna ukufuma ku Muulu; balekutika kuli Mose aleimbila mu Mupashi; ukulamona ifisungusho nefishibilo filemoneka. Lelo lintu caishilefika pakuilangisha ukucetekela i Cebo cakwa Lesa conse, ubulayo bonse, balifililwe.



Kanofye babiili pali bena eba cetekele ico, abo baali Yoshua na Kalebu. Kabili babwesesho icakushininkisha ukuti icalo cisuma.

<sup>79</sup> Lelo, ifyaleponeka, efintu fyalebesalila bena. Pantu, bena batile, “Ifwe teti tukwanishe ukusenda cilya calo, pantu imisumba yabo yamalinga, aba—aba—abaitwa kulya. Tebaitwa babo, lelo aba—abantu babo mapaka ayakalamba. Mulandu nshi, ifwe twalemoneka ngefipaso, kulubali lwabo.”

<sup>80</sup> Yoshua na Kalebu batile, “Ifwe natucilapo napakukwanisha ukucipoka.” Mulandu nshi? Lesa alibapele bena, temulandu nefyo amapaka yaali ayakalamba. Icabucingo tacapilibwile icintu nangu cimo kuli bena. Lesa alandile ifyo fine! Kabili Lesa acishininkishe ico kuli bena. Kabili baile nokupoka cilya icalo, nga fintu Lesa alandile ukuti bena baali nokucita ico. Acishininkishe cena kuli bena.

<sup>81</sup> Nomba, lintu baishile isa mu mweshi wa Shinde, lintu amenshi yaishile yalecepa pampili, ukuya mulya umutentemukila amenshi yamfula yabuuta, nafimbipo, kabili ukumoneka kwati Lesa mulanda umukalamba wabulwi, ukutungulula ababulwi Bakwe ukuya kucifulo, Alengele bena ukufumako ku calo cabulayo. Kabili nenshita ilyaine intu Ena abatwele kulya, yali nokubatwala mukucimfya, yali ninshita yamweshi iyamumwaka iyabipisha. Umweshi untu Yolodani yaali na menshi ayengi palulamba, ayaleya monse mu mpaanga. Mulandu nshi, nga cakutila bena baali nokubacimfya, cena caali nokuba munshita yalusuba, lintu bena baali nokukubula mumenshi nokwabuka. Lelo Ena alolele amenshi mpaka amenshi yashika. Ena alitemwa ukulangisha ukuti Ena ni Lesa. Alitemwa ukushininkisha i Cebo Cakwe, temulandu ngafintu cingaba.

<sup>82</sup> Taufwile ukusakamana nangu dokota atila, “Iwe ulefwa kwipwalonda.” Ico eco umuntu aishibafye. Limbi amenshi nayashika kuli bamo pali imwe, munshita ino iyabushiku. Lelo, ibukisheni, Lesa alipanga ubulayo. Lesa alasunga i Cebo Cakwe, Lesa alashininkisha i Cebo Cakwe. Cena Ecine.

<sup>83</sup> Ena alolele mpaka amenshi yaba amatipa, mpaka yena yashika kabili yafika napamitwe yabo, necaba ngefyo, kabili nomba Ena aishwile inshila. Abatangilile nokupanga inshila.

<sup>84</sup> Nimunshilanshi baali nokwingililamo palya pa Yeliko, lintu cena caali icaisulila konse? Yoshua alesunguka. Ena aishibe ukuti Lesa amutungulwile ukufika palya, ulutampulo lwakonkapo lwakwa Lesa.

<sup>85</sup> Ubushiku bumo, lintu afumine aleenda aleshinguluka, alemona ifibumba, ena amwene u Muntu naiminina nolupanga Lwakwe nalufumya. Kabili afumishe ulupanga lwakwe aile namuku kumanya u Muntu, atile, “Iwe Uli wakulubali lwakwa

nani? Bushe Uli pamo naifwe nangu Uli wakulubali wamulwani wesu?”

<sup>86</sup> Atile, “Nine Kapitao wamulalo wakwa Shikulu.” Kabili Ena amwebele ifyakucita. Nimunshila nshi aali nokulishishamo ipeenga kabili necibumba ukupona panshi, ukuti bena bengabusha amaceleta ukwabuka wena? Cinshi ico conse cali nokucita nepenga?

<sup>87</sup> Lesa abomfya inshila isha anguka. Efyo caba, ukuicefya kwaciko, ico cipanga Lesa kuli ine. Ifwe lyonse tulesha ukusanga icintu cimo icikalamba, icifwile cacita icintu cimo, kabili Lesa... akabungwe kamo akakalamba kali nokusenda icintu conse nokuciwamya cena mukupwililika. Lintu, Lesa abula umuntu umo uwaicefya, umuntufye umo untu Ena engekata mumaboko Yakwe, kabili Ena nokushininkisha i Cebo conse ico Alandile, kuli Ico. Cisendafye inshila ishinono ishakuicefya!

<sup>88</sup> “Ukulisha ipeenga.” Tekwimba icibumba, lelo, “Ukulishafye ipeenga, kabili nefibumba fili nokupona panshi. Iciunda cepeenga cili nokuponya ifibumba panshi.” Kuti caba icabulwamo amano kumano yamubili! Lelo Lesa ashininkisha i Cebo Cakwe ukuti cacine, pantu ifibumba fyaponene panshi, cimo ukwilika pacibiye. Bena baingile mukulungatana nokupoka umusumba.

<sup>89</sup> Oh, Lesa alitemwa ukuishininkisha Umwine ukuba Lesa! Yoshua alishibe ico. Ubushiku bumo, kabili lintu aiminine palya, icintu cimo icasulwa icikalamba ico icishatalile acicitika, kunse yamfya, ukushikwa, nokubushiwa ukwakwa Yesu Kristu. Lintu umulwani... Abacimfishe bena, kabili ababulwi abalekana lekana babutukile mu mpili. Alibacimfishe, kabili nakasuba kaleya kalewa. Oh, owe, wenshita we ifyo yaali kuwabulwi Mukalamba Yoshua!

<sup>90</sup> Ibukisheni, alwishishe cilya icalo nokucimfya, ukwabula ukukwata icipatala, ba nursi, abantu ababwafwilisho bwakubalilapo, nangu ukukwata umuntu uwacenza. Njebeni icintu cimo ico icingacila pali ico. Ee, emukwai. Tatalile akwata ifipatala, ba nursi, kabili talufishepo umuntu nangu umo, nga cakutiila bena baendele mubufwayo namu Cebo cakwa Shikulu. Lesa ashininkishe ukuti Aali pamo nabena. Ico nacilungama. Moneni nomba.

<sup>91</sup> Kabili tulesanga ukutiila Yoshua alishibe ukuti ubushiku nga bwaisa, bena balinokufyuka nokuba pamo umo nomunankwe, kabili—kabili bena nokuba bonse capamo nokupanga ibumba lyaba bulwi ilikalamba, kabili kuti ena akwata inshita iyabipa pamo nabena ubushiku ubwakonkapo. Ena taishibe ifya kucita, eico alolekeshefye kuli Lesa. Alefwaya ubwafwilisho, kabili alefwaya kalya akasuba ukwiminina shilili. Eico ena aebelefyeye kalya akasuba ukwiminina shilili, kabili... alandile “ku mweshi ukukobama pamulu wa Ajalon,” uku

ulesha ukusela mpaka ena aweba. Kabili umweshi na kasuba fyaikela tondolo pa ma ora amakumi yabili na fine, ilyo Yoshua alwishishe ubulwi no kucimfya umulwani, pantu alebombafye umulimo wakwe. Alikwete insambu ukucicita, pantu alenakila amafunde yakwa Lesa.

<sup>92</sup> Kabili ilyo lyonse muli mu mumutande wa mulimo, ukusunga Cebo cakwa Lesa, ukucitafye ifyo Ena amwebele ukucita, ukwenda pelete ukukonka umutande wakwa Lesa, imwe mwalikwata insambu ishakulanda kuli lulya ulupili ukutila, “Sela!”

<sup>93</sup> Lesa alasunga i Cebo Cakwe. “Nga cakutiila iwe walanda kuli ulu lupili ukutila, ‘Sela,’ tautwishike mumutima obe, lelo wacetekela ukuti ukuti ico walanda cili noku fikilishiwa, kuti wapokelela ico ico walanda.” Yesu atile ukutila, muwa Shila Mako 11:22. Ico e Cine. Ninjishiba ico e Cine. Cena Cebo cakwa Lesa, kabili ico ecile shininkisha ukuti cena e Cine. Ifwe tutinafye inshita shimo. Twafika ku ncende, ifwe tulatina ukutila tekuti Asunge cilya i Cebo. Ena ali nokusunga cilya i Cebo. Atile Ali nokucita ico. Nomba, tulesanga ukutila ico ecine. Ena ali cishininkisha.

<sup>94</sup> Ubusesemo bwakwa Esaya, panshita imo, ico icintu panshita imo icishatalile acicitika; tacatalile acicitika, kabili tacatalile acicitika ukufuma palya. Ena atile, “Nacisungu akemita.” Bushe kuti waelenganya umwanakashi, ukwabula ukwishiba umwaume, ukuti kuti akwata umwana? Esaya atile, “Nacisungu ali nokwimita.”

Kabili Lesa alengele nacisungu ukwimita, ukushininkisha i Cebo Cakwe ukuba ica cine. Ashininkishe i Cebo Cakwe, pantu nacisungu alimite kabili afyele no Mwana umwaume.

<sup>95</sup> Nomba, cilya Cebo calengelwe umubili, lolesha ifyo cacitile Cena. Lintu u Mwana afyelwe, Aali i Cebo Palwakwe. “Kukutendeka kwali Cebo, kabili Cebo aali pamo na Lesa, kabili i Cebo ecali Lesa. Kabili i Cebo calengelwe umubili no kwikala pakati kesu.”

<sup>96</sup> Ena aali nicilya i Cebo ca mweo. Ena ashininkishe ukuti Ewali i Cebo ca mweo. Atile kuli balya bakasambilisha aba muli bulya ubushiku, “Ninani uwinga nsusha Ine pa lubembu?” *Ulubembu* lwaba “kukana cetekela.” “Ninani uwinga Njeba ukutiila Ine nshacetekela? I Cebo Conse icalembelwa Ine, califikilishiwa.” Ifyakusobila ifya kushalikisha ciine lubali palwa mweo Wakwe fyafikilishiwe muli ba ora ciine lubali abakushalikisha, pacapindama. Ifintu fyonse ifyalembelwe pali Ena, fyalifikilishiwe, pantu Ena ewali i Cebo. Ashininkishe ukuti Ena ewali, aali. Aundepe abalwele. Ena abushishe abafwa. Acimfishe imfwa, imbo, nakunshishi. Ena Ashininkishe ukuti ewali i Cebo.

Moneni uyu mulandu pano pa ng'anda yakwa Jaelo. Ena aali. . .Ena alibebela icishinka. Tulemumona Ena nga lintu Aabwike bamba. Aisa ingila mukati.

<sup>97</sup> Kwawiko namayo umunono pa muulu wa lupili, ulya uwaposele ulupiya lwakwe kuli ba shing'anga. Takuli ukutwishika, ba shing'anga balicitile conse ico benga cita, kukulenga namayo ondapwe; limbi ba shing'anga aba ci Hebere, kabili na ulya ali namayo waci Hebere, eico bacitile conse ico bena bengacita kuli nkashi yabo. Nangula, bena tabakwete nangu cimo icakulesha ubu ubwafya ubwa mulopa, ubo ubwali, limbi, ninshita yakuleka kabili umulopa wakwe walifumane mpaka ena. . . icintu icinono camulengele ena ukuba uwanaka alefilwa ukwendaukako nakabili. Kabili alyumfwile palwa kwa Yesu. Kabili lintu amwene ubwato bunono bwapita mumatete, aileko nokuya fwailisha.

<sup>98</sup> Abengi bakapumya Bakwe baiminine palya. Kabili Taba uwakaele kuli bakapumya ileelo. Nga cakutiila bena balishibe untu Ena Aali, nga tabali bakapumya Bakwe. Lelo bena baali nibakapumya Bakwe pantu tabaishibe untu Ena Aali.

Kabili ifyo fine eflyo caba ne Mbila ileelo, eico abaume abengi abasuma nabanakashi balasusha Iyi pantu bena tabaishiba fintu Yena yaba.

<sup>99</sup> Yesu atile, “Nga cakuti imwe mwalishibe Mose, imwe ngamwalishiba na Ine. Mose alandile palwa Ine. Abengi abakalamba bakabile ukumona buno ubushiku. Nga Nshicitile imilimo yakwa Taata Wandu, nomba ninshi imwe mwincetekela Ine. Ine ninkwata inte iikalamba,” Atile, “ukucila payakwa Yohane, pantu imilimo intu Ncita, ishininkisha ukuti Taata ewaba muli Ine.” Acitile imilimo iikalamba, pantu Ena aali Uwaishibikwa. Yohane nao alishibikwe pamo, ngeshiwi lyaumo ulya uwalebilikisha mu matololo. Lelo ilyo Aishile, Aali ni kasesema ulya Mose alandilepo ukutila aali nokubuuka.

Nga fintu Nalandile ubushiku bumbi, Ena eshila mu mashina yatatu; i shina lya Mwana wakwa Lesa, u Mwana wa muntu, kabili u Mwana wakwa Davidi.

<sup>100</sup> Ilyo Ena aali pe sonde pano, inshita yakubalilapo, Ena aali Mwana wa muntu. Ena tali u Mwana wakwa Lesa lilya; Ena tatalile aitunga ukuba. Ena Atiile ali “u Mwana wa muntu.” Ilyo uuli onse alemwipusha Ena, Aletila, “Mulemona u Mwana wa muntu; u Mwana wa muntu.” Nomba, “u Mwana wa muntu” ni *kasesema*. Ena aishile muli ulyo musango, pantu, Amalembo, Ena tekuti ese ukupusana na Malembo.

<sup>101</sup> Emulandu wine, ileelo, ilya iyesu—i Mbila yesu iya ino nshita tekuti ise ukupitila muli bakasambilila wa fyabulesa na masambililo ya fyabulesa, cena cilingile ukubwelela ku cintu cimo cine ico calaile ukucita. Cena cilingile ukuba ulya musango.

<sup>102</sup> Eico tulesanga ukutila, muli uyu Muntu, Ena alingile ukuba kasesema. Te Mwana wakwa Lesa kulya, Ena aali nokuba u Mwana wa muntu. Yehova Umwine aitile bakasesema, Yeremia na bena, “u Mwana wa muntu.” “Ilyo mwamona u Mwana wa muntu...” “Ninani u Mwana wa muntu?” batwalilile ukwipusha.

<sup>103</sup> Elyo, Abombele mwi ofeshi Lyakwe nga u Mwana wa muntu. Elyo nombamba Aisa bombela mwi ofeshi Lyakwe nga u Mwana wakwa Lesa. Lesa Mupashi, kabili ilyo nombamba Ena abombele ukupita mu Nkulo shama Chalichi, ngo Mwana wakwa Lesa. Nombamba, mu myaka Ikana limo, Ena akaba u Mwana wakwa Davidi, ilyo Ena akekala pacipuna cabufumu cakwa Davidi. Ena akaba ni mpyani ku cipuna, u Mwana wakwa Davidi. u Mwana wa muntu, u Mwana wakwa Lesa, u Mwana wakwa Davidi, kabili cena Muntu umo wine inshita yonse.

<sup>104</sup> Kwatifye ni Taata, Mwana, na Mupashi wa Mushilo; i ofeshi lyakwa Lesa. Ena aali ni Lesa Taata, elyo Aishile ba Lesa u Mwana, nombamba Ena ni Lesa Mupashi wa Mushilo. Te ba Lesa batatu; Lesa umo, ukumonekela patatu, imibele itatu iyakwa Lesa umo wine.

Nombamba tulesanga, kabili muli ino ora iyo tuleikalamo nombamba, Lesa alasunga i Cebo Cakwe umusango umo wine nge fyo Acitile lilya.

<sup>105</sup> Tulesanga ukutila Ena aishile ukuciluka bamba. Uyu namayo alimucetekele Ena, kwaliko icintu cimo mukati kakwe icatendeke ukupopa. Takwete Ilembo nangu limo pali cilya, tapali nangu limo Ilembo ukucila pafyo Yoshua aiminike akasuba, lelo ena aceteketele mu mutima wakwe ukutila Ena ali Mwana wakwa Lesa. Eico atile, “Nga kuti Naikatafye ilaya Lyakwe, Ndi nokundapwa.” Eico aliipatikishe ukupula mwi bamba mpaka akumishe kwi laya Lyakwe, kabili ubwafya bwa mulopa bwalilekele.

<sup>106</sup> Nombamba, Ena aloleshe pe bamba, ukufwailisha uyo uwamwikete Ena. Ukwabula ukutwishika, pali umuntu umo. Aliminine. Bonse abantu aba Mukungile; kabili na bamba bale Mupumya, bamba bale Museka; shimapapo naiminina kabili ale Mwipusha amepusho, na bamapepo, nafimbipo. Lelo palipo bamba aba Mucetekele. Kabili, panuma yakashita Aiminine, mukupumikisha, apilibwike, atile, “Ninani Wankumya?”

<sup>107</sup> Bamba muli bena batiile, “Mulandu nshi, Shikulu!” Ndecetekela cali ni Petro uwatiile, “Mulandu nshi, ibumba lyonse nalimikunga Imwe. Mulandu nshi, nani ‘uwacimwikata’ Imwe? Mulandu nshi, umuntu onse alemukumya Imwe!”

Atile, “Lelo Ndelingulula ukuti yalya amaka nayafuma muli Ine.” Aishileba uwanaka. Cena cali kukumya ukwaibela.

<sup>108</sup> Nga kuti twamonafye ico, munyina, nkashi! Nga kuti wamukumya Ena nakulya ukukumya ukwaibela! Oh, mwebantu

abalwele, Ndeiteyanya ukumupepelako, mu ma minitifye ayanono. Nalicetekela ukutula Nalikwata Mupashi wa Mushilo, takuli Mupashi wa Mushilo ukucila paco mukwete uko kwine, aba baume bakwete kuno. Mupashi wa Mushilo umo wine, lelo lifunde lyakwa Lesa; kabili nga muli no kucetekela ukutula ifunde lyakwa Lesa, ilya kupepela abalwele, nokubika indupi pali bena, kabili ukutamfya imipashi shakowela, nefilayo ifyo Ena apanga, cikaba umusango umo wine naiwe. Ukakwata ico ukalomba, nga kuti wacetekela.

“Bushe kuti wacetekela ukutula Ndi uwalinga ukucita ici?” eflyo Yesu asosele.

<sup>109</sup> “Ee, Shikulu, Ndecetekela,” atilele umwaume no mwana no cipumputu, “Ndecetekela ukutula Iwe muli Mwana wakwa Lesa uyo wali nokwisa mwi sonde.” Nomba, twalishiba ukutula cilya kuti casendafye ilye mibele ukuleta ifya citike.

<sup>110</sup> Nomba, mukwangufyanya, lekeni tutontonkanye pali Ena pakashita, Uyu ali apa munshila Yakwe ukuya mumulu. Shimapepo umunono aishile ika, ukwabula ukutwishika lelo ulya umuntu umunono ali uwacetekela uwa pa mupaka.

<sup>111</sup> Kuli abengi nganshi muli bena mwi sonde ileelo, abacetekela abanono aba pa mupaka. Balefwaya ukucetekela Ico. Balefwaya ukucetekela ukuti u Mupashi wa Mushilo wacine. Bena balefwaya ukucetekela ukusela kwa batumwa, nge fyo Lesa alaile mu nshiku sha kulekelesha Ena aali no kwisa pongolwela u Mupashi Wakwe. Ifwe. . . alefwaya ukucetekela muli Malaki 4, ifyo Ena alaile, munshiku shaku lekelesha ica—ica pakubala Icicetekelo caba pentecosti kuti cabweseshiwa kwi—kwi chalichi nakabili.

<sup>112</sup> Malaki 4 ilacilanda cena. “Moneni, Nkatuma kuli imwe Eliya mubushiku bwa kulekelesha,” cilya cishinka, “kabili akabweseshiwa Icicetekelo ca bana ukubwekela kuli bashibo nakabili,” mwamona, “Icitetekelo caba shibo ku bana, nabo.” Mwamona, cilingile ukuba.

Mwatila, “Ukuba, ulya ali ni Yohane Kabatisha.” Iyo, iyo.

<sup>113</sup> Yohane Kabatisha ali ni Malaki 3. Cilya cishinka. Mateo 11 eflyo isosa, “Nga kuti mwacipokelela, uyu ni ulya uwalandilwepo, ‘Moneni, Ndetuma inkombe Yandi ku ntanshi Yandi.’” Cali ni Eliya, mucine. Yesu atilele eflyo cali. Lelo te Eliya wa Malaki 4, nakalya.

<sup>114</sup> Pantu, “Lilya linefye panuma ya ilya Mbila, isonde likapya no mulilo, kabili abalungami bakenda pa mito ya mbifi.” Eico cena tacatalile citikapo mu nshita yakwa Yohane. Ifwe tulingile twakwata iMbila ukubweseshiwa kunuma no kuleta abantu ukufuma muli iyi mibele ya filonganino, ukubwekela ku kutendeka Icitetekelo ica cine ica pentecosti. Kabili tulecimona ukucitwa, cilefikilisha ukwa Malembo ayo yalingile ukufikilishiwa. Amalembo yonse yalingile ukufikilishiwa.

Niyanga pali ayo twingabikapo, kuti cansendela ukucila panshita yandi nomba, ukulangisha. Lelo imwe mulekutuluka ifi fintu, ukutila cena cilingile ukucitika filya finefye nge fi, ku bana bakwa Abrahamu, nga fintu Alaile.

<sup>115</sup> Tulemona Yesu ukuya nomba kukundapa umukashana umunono. Pantu, wishi, umunono uwacetekela uwapamupaka, cimo caishile pancende yakuti ena aishibe Yesu, eico, dokota ali mufililwe ena. Kabili asendele icisote cakwe icafita kabili aile kulya mukufwailikisha ngakuti asanga Yesu. Mwamona, Ena alabapo lyonse palya ilyo Mulemufwaya. Amusangilefye Ena aleisa kululamba.

<sup>116</sup> Kabili atile, “Isa ku mukashana wandi umunono, bika indupi Shobe pali ena, kabili ali no kuba bwino.” Atile, “Ena alefeyo mupepi ne mfwa. Ena emwana wandifye eka.” Atile, “Ena ali ne myaka ikumi limo na ibili. Ifwe tatwakwata abana bambi. Umukashi wandi na Ine,” nalimo, “tuleya tulekota. Kabili uyu e mwanafye eka uo twakwata, kabili ena alele mupepi ne mfwa. Shikulu, Ndecetekela Imwe. Nga Mwalaisafye nokubika amaboko Yenu pali ena, alaba bwino.”

Mwamona, cinshi ena ailwike? Ailwike ukuti i Cebo cakwa Lesa icalaiwe cali monekele muli uyu Muntu.

<sup>117</sup> Cimo cine nefyo Nikodema atiile, “Rabbi, kafundisha, twalishiba ukuti Niwe kafundisha uwafuma kuli Lesa. Twalicishiba ico. Aba Fariseo balicishiba ici.” Cinshi ico tabacisuminine ico? “Takuli umuntu uwinga cita ifi fintu ifyo Imwe mucita, kanofye Lesa ali pamo na Ena. Ifwe twalishiba ukutila Imwe mwafuma kuli Lesa.”

<sup>118</sup> Pano tulesanga ukutila Jairusi acetekela icintu cimo cine. Atile, “Isa ubike ukuboko Kobe.” Alishibe ukuti Lesa aali muli Ena. “Bika amaboko Yobe pa mwana wandi. Nangu ali mupepi nokufwa, alaba nomweo.”

<sup>119</sup> Ena aendefeyo pamo nao. Kabili ilyo aleya, kwaishile uwalebutuka alebwela, kabili atiile, “Mwilamushupa Ena, wishupa Kafundisha wesu ukutwalilila. U—umukashana, nafwa. naya nomba, Ena nafwa.”

Yesu apilibukile kuli Jairusi, atile, “Bushe Nshilandile kuli iwe ukuti, ‘Nga kuti wacetekela, uli nokumona ubukata bwakwa Lesa?’ Nga walacetekelafye cena!”

<sup>120</sup> Ena aingile mumuputule, kabili kulya bena bali, balelosa bonse no kulila, nokuwelesha, kwatifye fintu abantu bonse bengacita. Umukashana umunono umusuma, umwana mwanakashi uwakwa kakumba, alifwile, kabili ena alifumishiwe muli ili sonde. Kabili ena limbi ali uwafwa pama ora ayengi, kabili bena bamulambalike panse pacipuna, kabili bali abaiteyanya ukumusuba umuti wakulesha umubili ukonaika, nalimo, nokumutwala, mukushika.

Elyo tulesanga ukutila Yesu aingile mu ng'anda. Bena bonse balepunda pakulila. Atile, “Peni umutende.” Atiile, “Ena tafwile, lelo alelefyē.”

<sup>121</sup> Nomba bushe kuti mwaelenganya ifyo batontonkenye? “Mulandu nshi, uyu muntu twalishiba, nomba. Twakutuluka ukuti Ena mwana wamu cani. Kabili tulomfwa palwa Ena, konse ukusobela Kwakwe ukushawama uko Ena apanga. Kabili nomba twaishiba ukutila shimapepo ali uwalungama, ‘umuntu alifulungana’, pantu natwishiba ukutila nafwa. Dokota nalanda ukutila ‘nafwa,’ kabili uyo ulele apo. Ena naya, kabili natwishiba ukutila nafwa.” Batile, ba Musekele mukupumya, mumashiwi yambi, ba Mulengele ukumfwa insoni, paku Mupumya.

<sup>122</sup> Lelo Ena alipwishe ukulanda ukutila ulya tafwile. Eco cena cisendafye. “Ena alelefyē.” Temulandu ifyo bakapumya bengacita, Ali nokushininkisha i Cebo Cakwe! Ababikile bonse ukufuma mu ng'anda, ukufumya abashacetekela bonse. Asendele Petro, Yakobo, na Yohane, abacetekela, inte shitatu, pamo na wishu na nyina, aingile mulya kabili asendele umwana umukashana pakuboko, kabili alandile mu lulimi ulo lwaitile mweo wakwe ukufuma kuncende imo kulya ku Muyayaya. Kabili umukashana ali nomweo.

<sup>123</sup> Cinshi Ena acitile? Alishininkishe i Cebo Cakwe. Alishininkishe cilya ico Alandile. Ena tafwile. Alifye mutulo. Nomba tulesanga ukuti, ukucita ici, ukukululuka, kabili Ena ashininkishe icintu cimbi kulya. Nomba Ashininkishe ukuti Ali ni Lesa. Ashininkishe ukuti Alikwete ukwishibila kalibela. Lolesheni ifyo i Cebo Cakwe calandile nomba. “Ena tafwile, lelo alifye mutulo.” Mwamona, ena tali uwafwa, mukubalipo. Ali mutulo. Alangishe ukwishibila kalibela Kwakwe. Nomba, limbi kwali abengi abakashana abanono abafwile lulya lwine lucelo, lelo uyu umo tali uwafwa. Ali mutulo, ngefyo Lazaro ali. Kabili Amwaitile ukufuma mulya mutulo, pantu tali uwafwa.

<sup>124</sup> “Kabili uyo wacetekela muli Ine, nangula ali uwafwa, lelo akaba no mweo; kabili uyo onse uuli no mweo kabili acetekela muli Ine, takatalefwa.” Kanofye abo abali mwi Buuku ilya Mwana wa mpaanga ilya Mweo, abo Alubwile ilyo Afwile, abo ebo Aketa ukufuma muli tulya tulo, pali bulya bushiku, abo abacincimushiwa na maka Yakwe, balya abakwata yalya maka yakucincimusha ayaikala muli bena. Nga filya Nasosele mailo ubushiku; nangu panuma yakwa Elisha ukufwa, kabili amafupa yakwe yali mu nshishi, yalya maka yakucincimusha yali yacili pa mafupa yakwe.

<sup>125</sup> Mucine, Ena ashininkishe Uo Ena ali. Nomba tulesanga ukuti nakabili, ifyo fine, Ena ashininkishe nacimbi, ukutila, mu ba Hebere icipandwa ca 4 kabili na versi ya 12, Ena ashininkishe ukuti Aali i Cebo cakwa Lesa. Ena mucine alicitile ico. Moneni ifyo Acitile. Aba Hebere, 12, aba Hebere 4:12 itiila ukuti, “I



Cebo cakwa Lesa ca maka ukucilapo, calitwa ukucila ulupanga ulwatwila kubili-konse, kabili—kabili Cena pamo Ecilingulula amatontonkanyo namapange ya mutima.” Moneni pakashitafye akanono nomba.

<sup>126</sup> Ilyo Ena atendekefye ubupyungishi Bwakwe, panuma Ena afumine mukulangisha ukuti Ali Cebo, ilyo Afumine mu matololo ukufuma mu kweshiwa Kwakwe, kwaliko umuntu uwaleitwa Petro, ishina lyakwe lilya ali ni Simoni. Kabili aishile kuli Yesu pamo na munyina, Andrew. Kabili lilya linefye ilyo aendele ukuya mu Cinso cakwa Yesu Kristu, Yesu atile, “Ishina lyobe niwe Simoni. Kabili na wiso ali ni Jonas. Ukufuma nomba iwe ukalaitwa Petro.” Ico cashininkishe ukuti Ena aali Cebo, pantu i Cebo Cilingulula amatontonkanyo elyo na mapange ya mutima. Ena aali i Cebo.

<sup>127</sup> Filipo alimwene ici ukucitika. Ena aile ukushinguluka ulupili, alile ubushiku bumo, nokubwela. Kabili aletele nankwe cibusa uwitwa Natanaele. Kabili atile, “Ifi fintu mucine filecitika. Mose atile ‘Shikulu Lesa wesu akemya Kasesema’ nga ena, kabili apa uyu Muntu ali. Cinshi, Ena aebele Simoni untu ena aali, kabili uo wishi aali, kabili twalishiba ukuti ifyo Alanda efishinka. Pantu, Lesa alicisosele mu Cebo, kabili ici pano calishininkishiwa ukutila Ena ali nokucita cilya, kabili cilya cileshininkisha ukutila ulya ni Messiya.”

Kabili ilyo aendele mu Kubapo Kwakwe, Yesu atile kuli ena, atile, “Moneni umwina Israeli, muli uyo umushaba nakabi.”

Atile, “Mwe kasambilisha, Mwanjishibe lilali?”

Atile, “Ilyo Filipo talakwita, ilyo waciba mwisamba lya cimuti, Nacikumona.” Ashininkishe i Cebo Cakwe. Ashininkishe i Cebo cakwa Lesa. Alicicitile ico.

<sup>128</sup> Umwanakashi pa cishima, ilyo ena akwete... Ukuba, Amwipwishe nga kuti amupelako Ena amenshi ukufuma mumutondo uo aletapilamo amenshi ukufuma mu cishima, kabili atile, “Tacaba mulutambi lwaba Yuda ukwipusha fwebanakashi abena Samaria icintu icaba ngefyo, pantu tatwakwata ica kucita neco.”

Atile, “Lelo awishiba Uo ulelanda nao, iwe kuti wanomba Ine icakunwa.”

Atile, “Icishima citali.”

Kabili ukulanshanya, ilyo kwatwalililepo, mukulekelesha Aishibe ifyo ubwafya bwakwe bwali. Kabili Atile, “Kabiye kete umulume obe, kabili mwise kuno.”

Umwanakashi atile, “Nshakwatapo umulume.”

Atile, “Walanda icishinka, pantu walikwata basano, kabili noyo untu uleikala nankwe nomba te mulume obe.”

<sup>129</sup> “Mulandu nshi,” ena atile, “mukwai, Ine nailuka ukuti Nimwe ba kasesema.” Ena . . . “Ifwe tatwakwete umo pa myaka imyanda ine, namwishiba.” Atile, “Nailuka ukutula Nimwe ba kasesema. Nomba, twalishiba ukutula ilyo Messiya aisa, uyo uwitwa Kristu, ilyo Akesa, Akatweba ifintu ifya musango ifi. Cilya cikaba icishibilo Cakwe.”

Ilyo Atile, “Ine Nine ena uulelanda naiwe,” Ashininkishe i Cebo Cakwe. Ena . . . ifwe tuleshininkisha ifyo Asosele ukuba. Ena ali ni Messiya, u Mwana wakwa Lesa.

<sup>130</sup> Nomba tulesanga ukuti, nacimbi, ukutula uyu namayo umunono uyo wakwete ubwafya bwa mulopa, ulya wakumishe ilaya Lyakwe, ico cashininkishe nakuli ena ukuti Ena aali Cebo cakwa Lesa.

<sup>131</sup> Nomba ibukisheni, muno bushiku, Yesu atile . . . Nacimbi, mu ba Hebere, 1, aba Hebere icipandwa ca 3, Ndecetekela eyo, Atile ukuti, “Ena nomba ni Shimapepo Mukalamba,” ino nkulo tuleikalamo nomba, “Shimapepo Mukalamba mu Bufumu bwakwa Lesa, mu Myulu, ubo bwinga kumishiwa nemyumfwile ya bunasha bwa buntunse bwesu.”

Aba Hebere 13:8 yatila, “Ena aba cimo cine, mailo, ileelo, no muyayaya.” Ena ni Lesa umo wine uo Ali lilya. Ena aba cimo cine muno bushiku.

<sup>132</sup> Yohane Washila 14:12, Atile, “Uyo wacetekela muli Ine, imilimo iyo Ncita nao akacita. Ukucila ne iyi akacita, pantu Ndeya kuli Taata Wandi.” Mwamona? “Uyo uwacetekela muli Ine, iyi milimo iyo Ncita nao akacita pamo.”

<sup>133</sup> Muli Mateo 28, Atile, “Pakashita akanono kabili isonde talyaka mone Ine nakabili, lelo imwe muka mona Ine, pantu Nkaba na imwe mpaka ku mpela ya calo.”

<sup>134</sup> Yesu Kristu aba cimo cine mailo, ileelo, no muyayaya. Ena naiminina, muno bushiku, ukushininkisha i Cebo Cakwe. (Inshita yandi naipwa.) Lelo Ena alishininkishe ukuti Ena kuti acita. Ena ashininkishe i Cebo Cakwe lilya, ifyo Ena alaile ifya bulya bushiku. Ashininkishe amashiwi yakwa Esaya. Ashininkishe amashiwi yakwa Noah. Ashininkishe amashiwi yakwa Mose. Ashininkishe yonse pama shiwi yaba kasesema.

<sup>135</sup> Ena alaile ukutula muli buno bushiku, ubushiku ubo tuleikalamo, ukutula isonde likaba mu mibele ya Sodoma, ukulungana kwabaume na baume banabo. Loleshenifye pali cena mwi sonde ileelo, mwisonde lyonse umo Nyenda; te munofye, ukuli konse. Nacibipa. Mu Sweden, abaume ba caice nabanakashi baya mukwangala pa menshi makaasa, ubwamba-mukupwililika. Kabili bena mu Germany na mu France, kabili na konse ukwashala, cena ni mupepifye na cimo cine abantu abaweleweleabo twakwata muno mu United States. Ninkulo. Ine, nga Nakwata ishuko nakabili ilyakubwela, Kuti natemwa ukulanda pafintu fimo ifya busesemo, kuli

imwe, ukumulangisha imwe ukutila, inshita iyo tuleikalamo. Baibele isosa ukutila, “Abana bakateka abafyashi babo.” [Tapali amashiwi pali tepu—Kale.]

<sup>136</sup> . . . Cebo. Lelo, ibukisheni, Abrahamu alikwete imbuto, lwali lunshi ulubuto Isaki. Ena alikwete imbuto shimbi panuma ya mfwa yakwa Sarah. Kabili ena aali ne myaka umwanda umo na makumi cine na isano, alyupile umwanakashi umbi, akwete abana baume cinelubali pamo na bana abanakashi, pantu Lesa ali mupilibwile ku mulumendo ilyo ali ne myaka ya kufyalwa umwanda umo. Ali lilya nakabili amakumi yane na isano, eico kansi ena. . . Twalishiba cilya. Nalishimikila cilya kuli imwe muno mu California, imyaka yapitapo.

<sup>137</sup> Kabili nomba tulekutuluka ukuti u Lubuto lwakwa Abrahamu talwalifye mufyo twaishiba pa kwampanya lubuto ukupitila muli Sarah, ico cali ni Isaki, uyo wapangile icalo, lelo u Lubuto lwaku bufumu lwali pa bulayo, uyo wali ni Yesu Kristu. Kabili ukupitila muli ilye Mbuto, Ena aimishe i Mbuto yaku bufumu. Oh, owe! Nomba tuli bushimapepo ubwa bufumu, inko iya bufumu, inko iya mushilo, ukupela amalumbo kuli Lesa, ilambo lya pa milomo yesu ukupela amalumbo kwi Shina Lyakwe. Lesa ashininkishe i Cebo Cakwe, Ena apongolwelepo Mupashi wa Mushilo pali ifwe.

<sup>138</sup> Atile, “Nge fyo cali mu nshiku sha Sodoma, efyo cikaba na mu bushiku ilyo Mwana wa muntu akasokololwa.” Nomba bushe mwacimona? Ukufuma ku Mwana wakwa Lesa, lintufye Ena talati abe u Mwana wakwa Davidi, Ena alisokolola Umwine eka nakabili ngo Mwana wa muntu. Bushe mwacimona Amalembu?

<sup>139</sup> Pantu, Ena lyonse alacita, Ena tacita icintu nangu cimo kanofye Alenga cena ukwishibikwa ku babomfi Bakwe bakasesema. Cilya ni filya fine. Filya efyo ubulayo Bwakwe bwali. Mwamona? Ena tacita nangu cimo. . . Lesa tekuti abepe. Ena lyonse alacisokolola, mukubalilapo, ilyo Ena talacicita cena.

<sup>140</sup> Lolesheni umusango twikelemo ileelo. Lolesheni apo tubelele. Cila umo pali imwe alesumina ukuti tuli muli Sodomu ya lelo. Namwishiba ukuti cino calo nacisuminisha ico. Kulya kuli. . . ukucila pesubilo; takuli ipusukilo ilisheleko kuli ino nko nangu takwaba inko imbi. Ifwe twalicya cilya nomba. Ubusesemo ubusesemwa pali ici, nabufikilishiwa. Lesa alesepa, ukusenda ilye mpaanga inono iya kulekelesha konse uko ibelele. Yonse ili no kubamo, ubushiku bumo. Ifwe tuli pa nshita ya mpela. Lolesheni, ukuba mucifulo.

<sup>141</sup> Ndemipusha, kwatifye ni munyina nangu nkashi, pakashitafye nangu ukulundapo icicetekelo libe tatulapepelako aba bantu. Kabili Ninjishiba tatulingile ukuya pa nshita imo. Lelo Ine—Ine—Ndefwaya ukutendeka umulongo waba kupepelwa, lyena imwe mwe balingile ukuya limbi kuti mwaya

lilya. Mwamona? Imwe mwe balefwaya ukwikala mu mulongo wa kupepelwa kuti mwaikala. Lelo lekenifye ine, nga munyina, nsontefye icintu cimo kuli imwe pakashita.

<sup>142</sup> Moneni Yesu, muli Luka 17:30, mwamona, ilyo Ena alesosa kulya palwa nshita ya mpela, ifyo bakaba nga mu nshiku shakwa Noah. Elyo Atile, “Kabili kwati, ngefyo cali, munshiku sha Sodomu,” atile, “ilyo u Mwana wa muntu alesokololwa.” U Mwana wa muntu nakabili, te Mwana wakwa Lesa. “U Mwana wa muntu,” mwamona, cilya cileta muli Malaki 4 nakabili, ukubwelelafye kunuma. Bonse ubu busesemo ukwisamo, ifyo yalingile ukucitwa. Ena alashininkisha i Cebo Cakwe ukuba filya fine. Cilya cishinka.

<sup>143</sup> Kabili moneni, mukucita cilya, ifyo Ena ali no kupongolwela u Mupashi Wakwe pa bantunse bonse, kabili cinshi cili nokucitika, ifyo ukubwekeshapo kukesa bwela. “Kabili abana benu abaume na banakashi bakasesema. Pali ba cishiko Bandi na bwabomfi epo Nkapingolwela u Mupashi Wandi. Kabili Nkalingisha ifishibilo mu myulu pa mulu.”

<sup>144</sup> Ninkwata icikope pano, icakwa Munyina Lee Vayle ali muno. Kutu natemwafye ukumulangisha icacitike pamulu wa lupili, ubushiku bumbi, ilyo abana besukulu bonse bashininkishe cilya, lintufye ili sambililo ilikalamba ilyafyaisulwa, filye Fikakatikilo Cine lubali. Ilyo abana besukulu baishile, nali pamulu palya ndepapa, paishile u Mulilo muli faneo uleikila panshi, elyo wabwelele mumulu nokubilimuka, kabili wapilibwike nokubwela panshi nakabili. Filya eflyo Asosele ifya kuya eba abantu. Ifwe. . . Ici Cili apa, apali bakasukulu bamu Tucson. . . kabili nepo Waile mumulu mu mwela.

<sup>145</sup> Kabili scienci yalibulile ifikope, kabili na fimbipo, no kwipusha palwa Cena. Batile, “Nipesa apo Cibebele? Cinshi icacitike?” Teti bacumfwikishe, mwamona. Oh, cena tacicitilwa mulusoso, kupelebelafye kwa kampingu. Tacatalile. . . Yesu, ilyo Ena aali pano, kwali abantu ama milioni abo abashatalile ishiba ukuti Aali pe sonde. Ee. Kukaba ama milioni ileelo abashakakutuluke, ama teni yama milioni aya abo.

<sup>146</sup> Lelo kukaba, kuli balya Abo Cena cikatunwako, bena bakeluka. “Aba mano bakeshiba Lesa wabo muli bulya bushiku, kabili bena bakacibomfya umupwilapo.” Ifwe tulekutuluka ico, ora iyo ifwe nombamba tuleikalamo.

<sup>147</sup> Lolesheni pali Sodomu nombamba, lolesheni icacitike. Atile, “Ngefyo cali munshiku sha Sodomu.” Kwaliko ibumba lya bantu ilyo lyalefwaya umwana uwabulayo. Twalicetekela cilya. Ulya aali ni Abrahamu ne bumba lyakwe. Kwaliko ibumba ilya cifulefule, Loti, uwabwelele numa citika, lelo uwacetekela; mulya mu Sodomu. Amabumba yatatu aya bantu.

<sup>148</sup> Kwaliba lyonse yalya mabumba yatatu. Hamu, Shemu, abantu bakwa Yafeti. Nacimbi, abacetekela, abaitunga

ukucetekela, na bashacetekela. Bena bali ukuli konse, kabili ifwe—ifwe tulabasanga mwi bumba ilili lyonse. Kabili, ukuli konse, muli no kubasanga. Kabili yalya mabumba yacili pano. Ufwile ukupatulula cilya. Kuti wacisenda ukupitafye mu Malembo, cileisuntinkanyafye icine mulya.

<sup>149</sup> Umfweni kuli ici. Lolesheni apo twikele, mu cifulo na muli bukasesema, muno bushiku. Nomba, cila umo muli ifwe alishiba ukutila isonde lili mu mibele ya Sodomu.

Twalishiba ubusesemo bonse ubwa mu Israeli, buli mu mpanga yaiko. Nga mulefwaya ukwishiba mu fyalo apo twiminine, lolesheni Israeli, apo ibelele.

<sup>150</sup> Nga mulefwaya ukwishiba imibele iyo ichalichi libelelemo, lolesheni umusango abanakashi bacitilamo. Cena chalichi. Moneni ena, uwaonaika, uwamano yatapa; moneni, lolesheni apo ichalichi cibebele. Ciloleshenifye, mwamona, mwamona, loleshenifye abanakashi. Mulemona apo, ifyo abanakashi benu baisalula nokuba abakowela nganshi, ulya emusango ichalichi cenu cili, mwamona, umusango.

<sup>151</sup> Lolesheni apo Israeli ali, mwalamona inshita iyo ifwe tulipo. Mwamona, loleshenifye filya ifishibilo nefisungusho. Nga imwe—nga imwe, nangu nga menso yenu navesuka, moneni apo tubebele.

<sup>152</sup> Nomba lolekesheni mu cifulo umo twikele, isonde mu mibele ya Sodomu. Nomba moneni, “nge fyo cali.” Nomba moneni, kwaliko umuntu umo, muli bulya bushiku, uwalelolesha ku mwana wa bulayo uwaleisa. Abrahamu na Sarah, bena balelolela umwana uwalailwe mwi bumba lyakwa Abrahamu. Bena tabali mu Sodomu. Lelo pali kalya kashita, capitala waku lekelesha uwafyalecitwa, lintufye umwana wa bulayo talaisa, kwali abaume batatu abaishile ukufuma ku Muulu, Malaika . . . ba Malaika babili na Lesa. Kabili bena balishile nokulanda na Abrahamu, pesamba lya mutelebinti. Bushe ico cishinka? Kabili babili baile ku Sodomu no kubilikisha ukususha imemba sha musumba. Kabili califye ilyo takulaba ukoca icalo cabena Fyalo, pali ilya nshita. Yonse Sodomu yapile palya pene. Abanonofye ebefumishiwemo, Loti na bana bakwe babili abanakashi. Umukashi wakwe ena afililiwe ukufuma; aliloleshe kunuma. Ifyo Ninga temwa ukukwata inshita ukumulangisha cilya ino ine nshita, apo cilyaa chalichi caiiminine pali cilya icifulo. Ndefwaya imwe mumone nomba.

<sup>153</sup> Kabili umo Muntu aikele kunuma, uyo walandile kuli Abrahamu, kabili Ena acitile icishibilo kuli Abrahamu. Kabili, moneni, Abrahamu alimwene Lesa mu fishibilo ifingi ifikalamba. Ifwe twalicaretekela cilya, bushe tatwacita? Lintufye umwana talaisa. Lelo ilyo umwana talalangwa, kwali icishibilo ico apelwe.

<sup>154</sup> Pantu, u Mwana, uwa cine u Mwana, aali nokuba u Mwana wakwa Lesa, ukupitila mu cicetekelo cakwa Abrahamu, mwamona, aali ni Yesu. Ifwe ukuba ulubuto lwakwa Abrahamu, abafwa muli Kristu, tuli lubuto lwakwa Abrahamu.

<sup>155</sup> Moneni nomba ilyofye cilya tacilacitika, uyu mwana ukwisa. Nomba, uyu Umo uwaikela no kulanda kuli Abrahamu, afutatile inuma Yakwe kwi tenti, kabili Atile, “Abrahamu.” Nomba, ubushikufye bwafumineko, aali ni Abram. Nomba Atile, “Abrahamu, alikwisa umukashi obe, Sarah?” te Sarra, S-a-r-r-a. S-a-r-a-h, umwana wamfumu. “Alikwisa umukashi obe, Sarah?”

Atile, “Ali mwi tenti kunuma Yenu.”

<sup>156</sup> Atile, “Ndi no kukutandalila, mwamona, ukulingana no bulayo Bwandi ubo Nakupangile.” Mu mashiwi yambi, “Inshita ya bumi, Sarah akatendeka mu nshita yakwe iya mweo nakabili.”

<sup>157</sup> Kabili Sarah, ukuba umukote, imyaka yakufyalwa umwanda nomba, mwi tenti, alisekele mu mutima wakwe. Mwamona, amwentwile ku mwine eka, atile, “Nga kuti ulya Muntu alungamika shani? Mwamona, ine ne mwanakashi umukote, shikulu wandi Abrahamu kunse kulya, nao umukote, imicitile ya lupwa yalifumishiwepo pa myaka.” Atile, “Kuti Nakwata shani ukusangalala nakabili na shikulu wandi? Ena ukuba umukote, naine ukuba umukote, twalipita pabufyashi, imishipa sha mukaka shaliya, shonse. . . ‘Ena alikama konse.’ Musango nshi twingakwatilamo ukusangalala nakabili?”

<sup>158</sup> Kabili ulya Muntu, ne numa Yakwe iyafutatila kwi tenti, atile, “Mulandu nshi Sarah asekela, ukusosa ukutila, ‘Musango nshi ifi fintu fingabelamo?’” Cilya cali ni cinshi? Ukulingulula, ubusesemo! Mwamona? Mwamona? Filya efyo amwene.

<sup>159</sup> Nomba Atiile, “Ico cikabwela nakabili, kabili u Mwana wa muntu,” ifyo cilya cali, ulya ali Mwana wa muntu palya pene. Ukuba, amwitile Ena Elohim, “Shikulu Lesa.” Elohim, umuntu onse alishiba ico nacilungama, Elohim ni Shikulu Lesa. “Mukutendeka Elohim alengele imyulu ne sonde,” uyo-walinga Fyonse. U Mwana wa muntu ukulengwa mu mubili, ulya Ena aliminine kulya mu mubili pali ilya nshita, ngo mubili wa bumalaika, ukwiminina kulya ukulingulula ifyo Sarah alesosa mwi tenti kunuma Yakwe. Alilaile. Lolesha. U Lubuto lwa Bufumu ulwakwa Abrahamu lwalaiwa ukumona icintu cimo cine.

<sup>160</sup> Lelo moneni Loti, alikwete inkombe kulya lubali, nao, babili baile kulya. Umo pali bena aile mulya, naumbi aile kulya na ena, kabili bashimikile no kwita abantu ukufulumuka ukufuma ku bukali ubo bwali no kwisa.

<sup>161</sup> Mu cifulo, isonde talyatala ukwikala muli ilya ncende, ukufuma kuli bulya bushiku ubo Yesu apangile ubulayo, mpaka

ino ine nshita. Ndefwaya ukupwisha uuli onse uwabelenga ilyashi lyakale uyo wingaba mucikulwa, nangu nga mwaumfwa nangula pali iyi tepu, kabili mwayumfwa panshita iili yonse, napapata mukanembele. Nalibelenga ilyashi lyakale nomba pa myaka amakumi yatatu, ilyashi lyakale ilya Baibele, kabili takwatala bapo umuntu uo Nshatala monapo mu lyashi lyonse ilya kale ilya chalichi, ukupita mu nkoulo sha machalichi cine lubali. Ukutila ifwe nomba tuli mu Laodekea, kabili twalishiba ico.

<sup>162</sup> Takwatala akubapo inkombe, iyo iyaile kwi chalichi conse, ne shina lyakwe ilipela na h-a-m, ukufika ino nshita. G-r-a-h-a-m, Billy Graham. Kwalibapo abena Moody, Finney, Sankey, Knox, Luther, nafimbipo, lelo takwatala h-a-m, “wishi ku fyalo.” Nomba ibukisheni, ena ni G-r-a-h-a-m ifilembo mutanda. Lelo A-b-r-a-h-a-m filembo cine lubali. Moneni, bena bali kulya, Billy Graham, ukuya mu—mu fiputulwa fyonse ifye sonde, no kwita ukufuma mu Sodomu, “Fuma, fulumukeni ubukali ubuli no kwisa.” Takwaba umuntu nangu umo uo Naishiba, mwibala, uyo wakwata ukwikatilila kwakwa Lesa, pali cilya cebo ica kulekelelwa, ngefyo Billy Graham acita. Ena kuti acilangisha. Ena te kasambilila wa fya bulesa nga. . .Ndemoni ena ni kasambilila wafya bulesa, lelo ena te kafundisha uwa maka nganshi. Lelo Lesa aba pamo na ena. Ulya muntu akeminina palya nge sambililo lyapa sukulu lyapa Mulungu, ukwikata balya bantu mumaka. Ena mubomfi wakwa Lesa uwa ino nshita. Kuli bani? Ichalichi ca cifyalilwa, ico caba mu Sodomu.

<sup>163</sup> Lelo ibukisheni, kwaliko bumo bumupashi bwamu chalichi, bulya ubushali muli ilya mibele yafilonganino, pamo. Ibumba ilyaitwa-ukufuma, kabili bena bapokelele imbila, pamo, ne nkombe. Kabili cali ni cinshi? Ukulingulula amatontonkanyo ayali mu mutima. Lesa lyonse alashininkisha i Cebo Cakwe.

<sup>164</sup> Natupepe. Mwebasuma Taata wa mu Myuulu, iyi nshita iya afya, apo ubusalo bufwile bwa pangwa, inshita ileendela pamo, tatwishibe ni ora nshi Shikulu wesu engesa. Kabili ilyo tulemona ubu busesemo ubwapangwa na Ena, ukupitila muli bakasesema Benu ukupita mu nshita, nomba yalepombololwa. Mwe Lesa, ifyo Nde Mutasha pali ici, ukuti nangufye umuntu uuli nobumi-ubusuma, umuntu uwaishiba ifintu fya—fya masambililo ya bulesa, uyo wingeminina ukukanya imifwi ye sonde na bashacetekela, kabili pali ifi ifyapapatala, nokucila pa cinshingwa cakutwishika ukwiminina palya uwapama kabili uwakosa, ukwishiba apo beminine no kushininkisha cilye Cebo ukuba ica cine, ku Malembo. Kabili ifwe fwebalelelela pa Kwisa Kwenu, Shikulu, ukucetekela ifi fintu fimbi ifyo fyasesemwa ukuti fikacitika, ukwiminina no kuipakisha ukumona Imwe ukwenda mukati fye kesu nokubomba icintu cine ico Imwe mwasosele ukutila cikesa fikilishiwa, ukushininkisha i Cebo

Cenu ukuba icalungama. Lesa wa Muyayaya, abana Benu abalwele na bekala muno.

<sup>165</sup> Nshishibe inshita naimbi iyo tulingile ukubomba. Akasuba ka cungulo bushiku kalebila. Lelo Imwe mwalilaile, kuli kasesema, “Kukaba u Lubuuto pa nshita ya cungulo bushiku.” Kabili tulemona akasuba kamo kene akatula ku kabanga, ekalewila ku masamba. Ukutumpuluka kwalyenda pamo nakasuba kabili nomba tuli ku Lulamba lwa ku Masamba, kabili i Mbila nsuma yaendele no buyantanshi. Nomba, Taata, natwishiba iyi empela ya Mbila nsuma, impela ya nshita, impela ya nkulo. Ileshilila ukuya mu Muyayaya. Lelo Imwe mwalilaile ukutila u Mwana ali no kwisa, u Mwana wa muntu akasokololwa. Munshiku shakulekelesha, ici cili nokucitika. U Lubuuto lwamu cungulo nalwisa, Taata. Tuletasha Imwe pali ico. Kabili mukuicefya nge fyo cili, nalyo line Mulecicita icaanguka nganshi, inshita ishingwi, ukutila cilabapita mukucilapo balya abakalamba, abetwa-fye abatontonkanya mukushika, kabili cisokololwa ku tunya ngo to utwingasambilila.

<sup>166</sup> Ndepepa, Lesa, ukutila Mwalacilenga ifyo, muno bushiku, ukutila abana Benu abalwele abalanda pano bamone ubulayo bwakwa Lesa, kabili cila umo pali bena alaposhiwa, no kufuma muno, mailo, ne mibili iya maka, no kuba bwino nakabili. Peleni ici, Shikulu, pakutila bena bengasenda i Mbila ukufuma kuli umo ukuya ku mubiye, mpaka ulya uwa kulekelesha aba mwi cinka, lyena kabili iminshi ikesalwa. Twafweni, Lesa uwatemwikwa. Ndeipusha Imwe, muno bushiku, mucinso caici conse, nga kuti Imwe inshita fye imo kabili, Taata, kuli ine.

<sup>167</sup> Cena—cena camoneke, inshita imbi iya bushiku, abantu tabatalile ukucimona cena nganshi. Lelo, Ndepepa, lekeni cicitike nakabili muno bushiku, Shikulu. Pantu, Nincila pa nshita yandi iya kulanda, lelo Nshishibe inshita ubutali iyo tuli no kucita ici. Eico, Ndepepa, Taata, bushe Mwalangumfya ine? Kabili ukumfwa ipepo lya aba abaume na banakashi babulesa aba bekele pano muno bushiku, abo abaisula no Mupashi Wenu. Bena bantu bacetekela, Shikulu, Imwe kuti mwabombelafye pakati kabo. Kabili ifwe tuli... Ndepepa ukutila Imwe mwalashininkisha i Cebo Cenu ico Mwasosele, “Uyo uwacetekela muli Ine, imilimo iyo Ncita nao akacita.” Lekeni cibe nakabili, Yesu, ukushininkisha ukutila Imwe mwaba cimo cine mailo, ileelo, no muyayaya. Nalombela cena ku bukata bwakwa Lesa, mwi Shina lya Mwana Wakwe, Yesu Kristu. Amen.

<sup>168</sup> Nomba, pakashita fye, Ndefwaya ukwishiba nibanga abantu abali muno abakwete ifitupa fya kupepelwapo. Nde—Ndefwaya mwimye amaboko yenu, cila umo muli imwe uyo ukwete ifitupa fya kupepelwapo. Ukuba, ni bonsefye, Nde elenganya, kwatifye nikonsefye.



169 Ndesunguka ni banga abantu muno abo abashikwete ifitupa fya kupepelwapo, kabili nomba na mulwala, bushe kuti mwaimya amaboko yenu no kusosa, “Nshikwete icitupa icakupepelwapo, kabili nomba Nindwala. Ndi uwakabila.”

170 Ndefwaya ukumwipusha ukuba nakatina pa kashita akanono. Nomba, Nalitemwa ukulanda na imwe. Bulya ebwaba ubwafya bwandi, Ndalanda inshita iitali sana. Lelo ilyo ta mulaisa, Ine—Ine kuti nasubila no kucetekela ukutila Lesa ali no kushininkisha ici kabili ne fyo Nasosa ukuba Icine, kabili lekeni—lekeni Ena amonefye.

Nomba, nibanga abekele kulya abo abalwele, abo abaishiba ukutila Nshaishibapo icintu nangu cimo palwa imwe, imyeni amaboko yenu. Loleshenifye pali ico. Cisuma.

Ndefwaya imwe mwebashikwete ifitupa fya kupepelwapo nomba. Ifitupa fyakupepelwapo fyalaitwa. Ndefwaya imwe mupepe.

171 Baibele yatiile ukuti, “Yesu Kristu aba cimo cine mailo, ileelo, no muyayaya.” Atila, “Ena ni Shimapepo Mukalamba uwikele palya nokupapatila pafya kulapila fyesu.” Tufwile twacitumbula mukubalilapo, libe Ena talaba Shimapepo Mukalamba, pantu Ena alepapatilafye ku kulapila kwesu. Bushe ico cishinka, ba munyina bakapyunga? Mwamona, Ena alepapatilafye pa fya kulapila fyesu, ifyo tulelapila ukutila Ena aba, ifyo Ena atucitila ifwe. Tefyo Ena *akacita*. Ena alificita akale. Tufwile ukusumina ukuti Alificita. “Alashilwe pamampulu yesu, mufilaso Fyakwe emo twaundapilwe.”

172 Nomba, Shifwe uwa mu Myuulu alishiba. Kabili ilyo nalolesha pali imwe, namona ukutila Naishibapo umunandi umusuma uwafuma ku Ohio, ena no mukashi wakwe uwikele apa, ni Mista Dauch no mukashi wakwe. Kabili Ndecetekela, uwikele uwa cibili atemwa citatu ukufuma kuli bena, nakabili ulya Reverend, Mista Blair uo Namwene mailo ubushiku. Muli umwafita mwibumba, kuli ine, umulandu wa aya malaiti muno tayanenga ukumona bwino ine, kabili Nshi—Nshiilemumona bwino nganshi.

173 Lelo Ndefwaya imwe ukupepa. Kabili mubike pa mutima wenu icintu ico mulekabila, kabili mwipushe Shimapepo wesu Mukalamba, Uwingekatwa nefyakumfwa ifyakutucululusha.

174 Nomba, ine mukukana mwishiba, kabili kuti mwankumyafye ponce ponce, ukuba kwati mulekumya ndume yenu, umulume wenu, kakumba wenu, umuntu umo, cena tekuti—cena tekuti cicite icisuma nangu cimo. Lelo nga mwa mukumya Ena, kabili nga ifwe mucine tuli abalungatana no Mupashi Wakwe, lyena Ena kuti abomfya icicetekelo cenu uku mukumya Ena, kabili icabupe candi ukulanda ukubwekeshapo ukupitila.

<sup>175</sup> Mwamona, Ine kuti nabafye tondolo nge fi, ici cili *apa*, ukwabula ishiwi ukulanda ukupitila muli cena. Pafwile pa. . . Ici, ici tacilelanda tapali nangu cimo pano icakulanda ukupitila muli cena. Kabili eflyo no muntu uuli onse, ena aba tondolo, ilyo caisa kuli ifi fintu, kanofye Lesa alanda ukupitila muli bena.

<sup>176</sup> Nomba mupepe, kabili tumone nga ifi fintu Nalanda fyacishinka. Lesa acafwilishe ukuti cibe ifyo fine. Nshilesosa ukuti Alacita. Ndesubila ukuti Ena alacita. Ndecetekela ukuti Alacita. Tatala ndekeleshapo ine nomba, mummyaka, ukupita kabili ukushinguluka icalo, nayonse imibele ya fyalo, nama milioni ya bantu. Tatala ndekeleshapo ine nomba. Kabili Ndi uwashininkisha, mucinefyo nge fyo Ndecetekela ukuti Ninjiminina pano, Ena tamfilwe ine nomba.

<sup>177</sup> Nalamulombafye imwe ukuba aba mushiye kabili mubefye abaikala, pa nshitafye iinono. Twalasalanganya ibumba ilikalamba no kupepela abalwele, mukashitafye akanono.

<sup>178</sup> Lelo Ndefwaya imwe, mwe bacetekela, ukutila mwiloleshafye kuli ine, lelo mucetekele. Mulande ukuti, “Ndecetekela ukutila ifyo uyu muntu asosa e Malembo. Nshishibe nge fyo tuli ukutali nganshi mu nshita ngeflyo alesosa ukutila eyo tulimo. Lelo, nga cili fyo, lyena cilingile ukucitika. Nge Fyebo fyakwe fyaba Ifyebo fyakwa Lesa, kanshi, ifyebo fyakwe fikafilwa lelo Ifyebo fyakwa Lesa tafyakafilwe.”

<sup>179</sup> Lesa alishingamwa nokutungilila i Cebo Cakwe. Ali no Kucishininkisha. Ali no Kucishininkisha. “Uyo uwacetekela pali Ine.” Alishininkishe ukutila ishi ninshiku shakulekelesha. Alishininkishe ukuti cali nokucitika. Alishininkishe ukuti ici cali nokucitika.

<sup>180</sup> Kabili, ibukisheni, Abrahamu ne bumba lyakwe tabapokelele icishibilo na cimbi ukufuma kuli Lesa, mpaka umwana wa bulayo afikile. Ni banga abaishiba cilya ukuba icishinka? Cilye cishibilo ca kulingulula! Kabili u Lubuto lwa bufumu lwakwa Abrahamu, lekeni myumfwe. . . Leka nkwebe, EFYO ASOSA SHIKULU, iwe ulepokelela icishibilo cobe icakulekelesha. Cilya kulingana na Malembo no busokololo bwakwa Lesa ubwaba mu mutima wandi, ayo yalanda ukutila ici e Cine. Kabili Ndesubila ukutila muli noku cicetekela ukuba Icine.

<sup>181</sup> Nomba mucetekele. Bonse mucetekele, mutile, “Shikulu Yesu, lekeni mukumye Imwe. Ninkwata ukukabila mu mutima wandi, kabili Nalishiba Munyina Branham taishibapo nangu cimo palwa ine. Nshamwishiba nokumwishiba uyu muntu, nao tanjishiba, lelo Imwe namwishiba. Kabili nga nanjeba Icishinka, ici cili nokucitika.” Ndemipusha, mwisela nomba, pakashitafye akanono. Beni abacishinka. . .

Mwamona, imwe muli mupashi. Kabili Ndesenda umupashi onse muno mu butungulushi bwandi, mwi Shina lyakwa Yesu Kristu, pakutila i Cebo Cakwe cingafikilishiwa.

Nomba benifye abakatina. Pepeni. Lolesheni kuli Ena, tileni, “Shikulu, Ndecetekela cena. Afwilisheni Imwe ukukana cetekela kwandi.”

Natutampeko. Mfwile ukuposa amano pa capala iciputulwa cimo icamucikulwa muno, pantu, mwamona, muli bengi imwe, kabili cila umo muli imwe mupashi.

<sup>182</sup> Ine teti. Mwalanda, “Nga ine?” Ine teti mwebe. Cintu capulamo. Yonse imilimo yakwa Lesa yalipulamo. Palaba abantu abengi abalaundapwa abalepita apa pa cintamba, muno bushiku, limbi tababe abengi. Conse cabafye mukupulamo kwakwa Lesa. Ninani wingamweba Ena ifya kucita? Tapali nangu umo. Abomba ukulingana nobufwayo Bwakwe Umwine, ubutantiko Bwakwe Umwine.

<sup>183</sup> Lelo iwe cetekelafye. Ba uwaicefya. Wiba namasakamiko nomwenso. Tambalikenifye kuli Lesa, nokutiila, “Shikulu Lesa, Ni ncicetekela.” Mwamona? “Lekeni nkumye ilaya Lyenu. Ninkwata ukukabila ukwa *ifi-ne-fi*. Ninjishiba munyina tanjishiba nangu ukwishiba ukukabila kwandi, lelo ena acitweba palwa ifi fintu ifyo Imwe mwacitile, no kusosa ukutila Imwe muli pano cimo cine ileelo.”

<sup>184</sup> Ici tacilefumyako imwe ba munyina pano pamulu, onse pali imwe. Ndelombafye imwe, ba munyanane, nga babomfi aba—aba Mbila nsuma yakwa Kristu. Ndelanda kuli imwefye mubufumacumi nge fyo Naishiba, ngo u—umuntu ulefwana imwe, mwamona, ukusha ili sonde. Ifwe tulingile ukuya. Kabili Ningile ukupela ukulubulula pa Bushiku bwa Bupingushi, pafyo Ndesosa. Ndi uwabukila pali ico, uwabukila nganshi. Kabili Ndetasha iwe wemuntu, ifyo waba, ukwiminina pano pamo naine, ukungafwilisha ine. Ndeesha ukumwafwilisha, ukucita icili conse ico Ninga cita, pa mulandu wa Bufumu-bwakwa-Lesa.

Ndepepa no kulomba.

Pano, nibanga bamonapo lulya u Lubuuto mu cikope? Naumona icikope ca Lulya? Ulo Lukobeme *apo*. Bushe taulelumona Lwena?

<sup>185</sup> Luli pamulu wakwa ulya namayo ekele palya nakatambala. Alepepelako umutemwikwa. Ico cishinka, namayo. Ulya umutemwikwa umo... Bushe ulencetekela ukuba kasesema Wakwe, nangu njeleleniko, umubomfi Wakwe? [Nkashi atiila, “Mucine Ndecita.”—Kale.] Naucetekela ico? Cisuma. Nomba, nga Lesa kuti asokolola kuli ine ico cili icalubana, cinshi, uli no kucisumina ukuba ukufuma kuli Lesa, nga filya umwanakashi akumishe ilaya Lyakwe? Nomba, nawishiba iwe uli—uli amafiti amakumi yabili nangu amafiti amakumi

yatatu ukufuma kuli ine, nangu ukucilapo, iwe taunkumishepo. Lelo naukumyapo Cimo, ico wishibe ukuti nawampana pamo Nacena, Umuntu umo. Ifyo cena cili, cena ca mwanakashi, uyo uuli umwana obe umwanakashi. Ico cishinka. Bushe ulecetekela ukutila ena ali nokuba umutuntulu? Ena alitemwa ibange. Ico cilifye icalungama. Ndemumona alesamba insamfi, uwakolwa. Mwamoma? Nomba, akatambala ako kwete mukuboko kobe, iwe ubike pali ena, kabili witwishika. Ndecetekela ukuti Lesa alamukakula ena. Bushe walacetekela ico pamo naine? Amenii.

Nomba, Nshamwishiba umwanakashi, lelo Lesa alimwishiba. Bushe mulecetekela nomba no mutima wenu onse?

<sup>186</sup> Umwaume uwikele apo pamulu ne shati lyami ngolasha, nakwata ubula ukufumina kunse, ulecetekela ukuti Lesa kuti akuposha nokukulenga waba bwino? Ulecetekela ukuti Ena alacicita? Nshatala mumonapo uyu umwaume mu bumi bwandi. Namukwata icitupaa ca kupepelwapo, mukwai? [Munyina atila, “Iyo, nshikwete.”—Kale.] Iwe taukwete? Iwe taulekabila cimo.

“Nga iwe kuti wacetekela!”

<sup>187</sup> Apa pali umwanakashi ale esha ukulolesha pa mulu wa uyu mwanakashi uwikele pano pene. Ena mweni kuli ine. Lelo ena ali no mwenga nganshi. Nshamwishiba. Nshatala mumonapo, mu bumi bwandi. Lelo Lesa alimwishiba, kabili ena aleiluka ino ine nshita ena aleumfwana ne Cintu cimo. Wikele apo ulepepela pamulandu umo. Umulandu uo iwe ulepepela, teti wikale ukucila buno bushiku. Iwe ulingile ukufuma mukulongana. Iwe ulepanga ukuya ku ng’anda yobe, mailo. Tawafuma kuno, nangu ukufuma ku California. Uleya ku kabanga ukufuma kuno. Uleya ne ndeke. Iwe ulepanga, uleya nendeke. Iwe wafuma ku Oklahoma. Ee. Cilya cishinka.

<sup>188</sup> Kabili uli mumibele ya kufwa. Wishile kuno mukupepelwako. Taukwete ne citupa caku pepelwako. Lelo walicetekela ukuti uli nokundapwa, nga kuti waisafye kuno. Ico nacilungama. Nacimbi, imibele yobe lipwalonda. Ipwalonda ili mwi fupa. Bushe ulecetekela uli no kundapwa nomba? Ulecetekela ukuti uli mukumfwana na Ena, nkashi yandi? Nalimo Lesa alanjeba uo iwe uli, nomba cilya calakwafwa? Nga cili ifyo, imya ukuboko kobe nga ulecetekela ico, ukutila (Lesa) kuti ca mwafwilisha. Cisuma, Misisi Steel, kuti wabwekelamo ku Oklahoma.

Nshimwishibe namayo. Nshatala mumonapo.

<sup>189</sup> Uyu apa na mayo uwikele kunumafye uku kunuma yakwe. Ena alecula no bwafya bwa mishipa. Kabili nakwata nomwana uyo uli ni cakolwa, kabili alemupepelako ena. Nga alacetekela, kuti aundapwa. Misisi Mason, bushe walacetekela no mutima obe onse, kabili ulecetekela ukutila Yesu Kristu ali nokupela ukundapwa kuli iwe? Ulecita?

Cisuma, kanshi bika indupi shobe pali ulya na mayo uwikele mupepi naiwe palya, ena alepepela umulume wakwe uyo ushampusushiwa. Lesa alapela ukundapwa.

Natupepe.

<sup>190</sup> Mwe Lesa, Ndepepa ukutila Mwalapela yalya amapaalo kuli ena. Peleni ulyo mwanakashi ukukabila kwa mutima wakwe, Shikulu. Icicetekelo cakwe cili mupepi sana na Imwe, nacimukumya Imwe. Kabili Ndepepa, Taata, ukuti Mwala afwilisha, mwi Shina lyakwa Yesu. Amenii.

Nomba cetekela no mutima obe onse, ukutila walacipokelela. Bushe walacita ico? Cisuma. Lesa amupale.

Bushe ulecetekela umulume obe ali no kupusushiwa, namayo? Bushe ulecetekela nomutima obe onse? Imya ukuboko kobe, ulecita ico.

<sup>191</sup> Kulepala ukuba, kuntanshi yandi, umwanakashi uwafina nganshi. Uyo ali apo. Ulencetekela ukuba umubomfi wakwa Lesa? Ulencetekela ukuba umubomfi wakwa Lesa? Ulecita. Cisuma. Ine nshakwishiba. Ubwafya ubo ukwete, matumbo. Walina ukucila mucipimo. Iwe wali kuli dokota, atile ena tekuti acitepo nangu cimo palwa cena, lelo ulya ali ni dokota wa pe sonde. Mwamona? Uobe. . . Walikwete ubulanda ubwingifye nganshi. Walilufya umulume obe. Tauli wakuno. Iwe mucine cine wafuma ku Arkansas. Iwe ulefwaya incito, pamo, kabili walifilwa ukusanga incito. Waciba nomwenso ukutila, cintu cimo, iwe teti witwe. Lelo icicetekelo cobe nomba nacikumya Lesa. Nkashi yandi, iwe kabiye, cetekela. Lesa akupele incito, akupele ukukabila kwa mutima obe.

Lesa alashininkisha i Cebo Cakwe ukuba icine. Bushe mulecetekela cilya ukube fyo? Nomba Ndefwayafye imwe ukupepa pamo na ine nakabili.

<sup>192</sup> Taata Lesa, Imwe muli Lesa umo wine uyo washininkishe. Ilyo Mwatiile, "Umukashana tafwile, alelefyete utulo," kabili Mwalishininkishe ico. Nomba, Mwalilaya, ukutila libefye ukupwa kwanshita takulaisa, ukuti u Mwana wa muntu akaisokolola Umwine mu musango umo wine Ena acitile ku Sodoma. Imwe mwalilaile ici, Shikulu. Nomba Imwe na mwisa pe sonde, mu musango wa Mupashi wa Mushilo, nokwisa ba pakati kesu, muno bushiku, ifwe fwebantu bacetekela, kabili namucishinkisha ici. Imwe na mushininkisha i Cebo Cenu nga filya Mwacitile bulya bushiku. Shikulu, ifwe tatulekabila nakabili icishininkisho. Imwe muli pakati kesu. Ifwe twali mutemwa Imwe. Kabili tulemona ukutila ici cishibilo cakulekelesha lintufye Ukwisa Kwenu takulabako, ukulingana na Malembo. Kabili nefinshingwa fyonse nemisango tafifilwa. Fyena fifwile ukuba ifituntulu.

<sup>193</sup> Eico tulepepa, Taata, ilyo abana Benu baleisa nomba mukupepelwa, ukutila cila umo ali no kundapwa. Lekenii peba

umuntu umulwele uushela pakati kesu, pa mpela ya uku kulongana kwa kundapa. O mwebatemwikwa Lesa, lekeni Imwe ukusuba Kwenu kube mukusenamina pa bantu Benu ililinefywe, ukuti onse pakati kabo engondapwa?

<sup>194</sup> Kabili nga kuliko bamo muno, abo abashaba abana Benu na nomba, kabili pa mulingo wa ifi fintu, ukutila . . . Balyumfwile i Cebo no kumona icintu ukucitwa, filya finefywe ukushininkishiwa ku nkalata ine, kabili Uo Imwe mwaba kabile nefyo Imwe mwaba, ukutila Muli pano.

<sup>195</sup> Kabili, Shikulu, bushe Imwe—bushe Imwe kuti mwapala ubufi? Mulandu nshi, mucine iyo, Shikulu. Lelo Imwe mwalicilaya ukupala i Cebo Cenu, kabili Cena tekuti cibwelelemo ibusha. Kuti cafikilisha ico Icintu capangilwepo. Kabili nomba Namucita cilya ku ntanshi yesu, muno bushiku, ukwabulo kutwishika nangu panono.

<sup>196</sup> Kabili ne mitwe yesu iyakontamikwa, bushe kuliko abantu muno abo abashatalile ukucetekelapo, abo abengatemwa ukwimya ukuboko kwenu? Nemitwe yenu iyakontama, imyeni ukuboko kwenu. Kabili iminineni pa makasa yenu, nokutila, “Ine nomba nacetekela, no mutima wandi onse. Kabili Ndefwaya ukusumina Yesu Kristu, ino ine nshita.” Bushe kuti mwacita ico, abantu abali bonse, abantu abali bonse muno, abo abashilati basumine Kristu, kabili kuti bafwaya ukucicita pali ino nshita? Nshamwebe. . . Iwe ukaye ku chalichi cakusala kobe. Lelo Ndekwapusha ukupokelela Yesu Kristu ilyo imwe. . . Imwe nalimo tamwakatale amubapo mupepi kuli Ena mpaka mukamumone Ena na menso ilyo Akesa mumubili Wakwe uumoneka ukufuma mu Myulu. Bushe nomba mwalamusumina Ena nga imwe tamwacita kale?

<sup>197</sup> Pa mulingo uwakumona tapali nangu umu pano uwiminine, Ndecetekela kanshi imwe bonse ukuba abatuntulu, abantu bamano, kabili no kwishiba ifyo mulecita. Nga namwikala apo pesamba lya ici, ibukisheni, “Nga walengwa insoni Pali ine kucinso camuntu, Nkalengwa insoni pali iwe kucinso Cakwa Taata.” Kwacibako umuntu umu uwacimininako, nalimo, ee, mwi bumba, kunuma.

<sup>198</sup> Mwebasuma Lesa, abo kuti, Ine nshibamwene, abeminine, balefwaya ukumusumina Imwe. Nabakutuluka, Shikulu, ukutila ici tacacitwa ukufika naino ine nshita, kabili nomba Mulesuminisha ici noku shininkinsha ukuti cili ifyo fine. Ndepepa, Taata, ukutila mu mitima yabo, ici nacenda munshila iyeni pali ino nshita. . . Nga twishibe shani lelo nga uyu emuntu wakushalikisha ukwingila mo? Iyi kuti yaba nimpela ya Los Angeles. Uyu kuti waba umweo wakushalikisha uyo uli nokufyalwa mu Bufumu. Tatwishibe ilyo ilya nshita ikesa. Kabili ngayaisa, icibi cikesalwa, Umubili ukuba uwakwanina. Tawakabe Mubili wabula ukwenekela nangu Nabwinga wabula

ukwenekela. Cikakwata fye ama membala abengi abo amashina yabo yabikilwe mwi Buku ilya mwana wa Mpaanga ilya Mweo ilyo mufula we sonde taulalengwa, kulico Yesu aishile mukusenda, nga Adamu, ailefye mukupususha umukashi wakwe. Ndepepa, mwe Lesa, ukutila Mwalabapokelela nomba mu Bufumu Bwenu. Bali mu maboko Yenu. Bombeni na bena, Shikulu, Napepa mwi Shina lyakwa Yesu. Amenii.

<sup>199</sup> Lesa apale onse pali imwe uwaciminina. Nshacishiba ukuti bamo pali imwe mwachimina. Bamo baciminina kunuma, bamo pamulu pa baukoni. Nomba Ndefwaya imwe muncitileko icintu cimo ine. Napapata mungufwikishe. Mukumanyepo kapyunga umo pano kabili mulanshanye palwa ico na ena, panuma yakulongana. Bushe mwalacita ico? Mwileka cifilwe. Nga tamwatala batishiwa mu lubatisho lwa bwina Kristu, citeni cilya mukukonkapo, elyo kabili ikaleni na maboko yenu ayaima mu mulu mpaka mwapokelela Mupashi wa Mushilo.

<sup>200</sup> Nomba, kabili abantu abengi nabakwata ifitupa fya kupepelwapo muno. Twalabepusha ukwiminina, kabili ukwisa kuno lubali, kabili Ndemona ukwenda ukwisa kuno. Nangu bushe Ndekabilwa ukwisa . . . [Munyina umo atila, “Iyo.”—Kale.] Nshakwanishe ukucita ico. [“Iseni ukufuma kuli ulu lubali kuno.”] Ukufuma kuli *ulu* lubali kuno, kuti mwafuma ukupita muli iyi nshila, pano pali ulu lubali, abantu abakwete ifitupa fyaku pepelwapo.

<sup>201</sup> Kabili nomba nga kuliko umo muli imwe uyo ulingile ukuya, cena cili . . . Nincelwa. Munjeleleko. Nkesha ukucitako bwino mailo ubushiku. Pali . . . cili ama miniti ikumi ukupita pali teni ya bushiku, pa nkoloko iili pacibumba. Namutotela pa kusangwamo kwenu muno bushiku, kabili lekeni Lesa waku Muulu amipale. Nga mulefwaya ukwikala no kumona umulongo wa kupepelwa, imwe lyonse mwalisengelwa. Lelo twalatendeka ukupepela abalwele nomba, kabili Nshilefwaya ukumisunga kanofye nga mulefwaya ukwikala. Imwe mwasalanganishiwa mwi Shina lyakwa Shikulu Yesu. Lekenii umutende wakwa Lesa wende naimwe kabili umipale, kabili umipele ukutusha mu mibili yenu, ukupita mu bushiku, kabili umupele ubumi ubusuma pakutila mwingabwela nakabili mailo ubushiku. Lesa abe na imwe nomba.

<sup>202</sup> Kabili lekeni abo abakwete ifitupa fyakupepelwapo nomba, ngefyo mucinkumbawile ifwe tupepela abantu. Nomba tulefwaya imwe ukwishiba, nomba, imwe mwe beminine nefitupa fya kupepelwapo, bushe kuliko ukutwishika nangu kumo mu mweo wenu? Bushe kuliko ululi lonse, njeleleniko, ulubembu ululi lonse mu mweo wenu ulo tamwayebelela? Nga eko luli, lekenii mwipushe ici. Mwiisa mu mulongo wa kupepelwa no lubembu ulushatumbulwa mu mutima wenu. Pantu, imwe mulingile . . . Uyu mukate wa bana, mwamona. Kabili nga tamuli bena Kristu, pelenii umweo wenu kuli Kristu, mumulongo waku

pepelwa, elyo mwise. Cena ca wacetekela. Bushe walacicita? Mupokeleleni Ena intanshi nga Kapususha wenu, elyo kabili mwise kuntanshi, mu kumupepelako.

<sup>203</sup> Nomba Nalapepelela cila umo umo; tekubapitililafye, nge capala umutande umo. Ifwe tuli mu chalichi nomba. Ndetontokanya Nkashi Wyatt natupela umulandu uo twingekalila no kupepa. [Munyina atila, “Ee, ubushiku bonse, ukutwalililafye apo mulefwaila.”—Kale.] Kuti twaikala inshita iitali nge fyo tulefwaya ukucita. Kabili Ndetasha Nkashi Wyatt nababomfi kuno, pakuleka ifwe ukucita cilya. Lesa amupale ena. Umulume wakwe impalume aiminine pali cino cintamba, alepepela abalwele, mpaka ena afwa, ukulingana nefyo Naishiba, umushilika umwine mwine uwa lupanda. Kabili nomba Ndeesha ukutwalilila ukucita icintu cimo cine, paaleni aba bantu.

<sup>204</sup> Kabili nomba Napepa ukutila cila umo muli imwe aleisa kuno... Tamulingile ukuyebelela icintu icili conse ico mulefwaya ukucita. Tamufwile ukulanda icili conse icilubene naimwe. Mwisefye kabili muleke mipepele, kabili mucetekele.

<sup>205</sup> Bushe ulecetekela ukutila Lesa alintuma ine ukucita ici? Imya ukuboko kobe. Muleibukisha ifyo Malaika wakwa Shikulu asosele? “Nga walenga abantu ukukucetekela, ube uwabufuma cumi ilyo ulepepa, takuli icikeminina ku ntanshi ya mapepo.” Kabili namwishiba cilya cishinka. Calishininkishiwa, imiku ne miku.

Nomba Nalaipusha ukutila Nkashi yesu Rose, nga alacita, ukulisha cilya, *Cetekelafye*, nangu, *Shing’anga Umukalamba Nomba Ali mupepi*, nangu icintu cimo.

<sup>206</sup> Ndefwaya cila umo muli imwe nomba mwi—mwisenge pamo na ine. Bushe imwe, pamo, mwebantu mwebashili pamulongo wakupepelwa, bushe mukalapepelako aba bantu? Ukuba, balayeni ico, pakwimya ukuboko kwenu, “Nkalapepa, mwamona. Bonse tukulapepa.” Cisuma. Ee.

Kuti nacita ukutila kuti mwacita, nga uli nokuya, kabiye mumutalalila nomba, pakuti bepumfyanishiwa ilyo tulepepa.

Bushe ulecetekela calapwa nomba, nkashi? [Nkashi atila, “No mutima wandi onse.”—Kale.]

Mwe Lesa, Ndebika indupi shandi pali nkashi, becen i ukucushiwa kwa mubili wakwe. Mwi Shina lyakwa Yesu Kristu, lekeni cifume pali ena. Amen.

Akupaale, nkashi.

Naucetekela nomutima obe onse? Shonse imembu shobe nashitumbulwa? Iwe uli, ukulingana nge fyo waishiba, uli uwaiteyanya ukupokelela ukundapwa kobe?

<sup>207</sup> Mwe Lesa watemwikwa, Ndebika indupi shandi pali nkashi yandi, mwi Shina lya Mwana Wenu, Yesu Kristu, kabili



ukwipusha ukutila ukucushiwa kwa mubili wakwe kwalapwa, mwi Shina lyakwa Yesu. Ameni.

Imembu shonse na shitumbulwa, kabili muli abaiteyanya ku kundapwa kwenu? Ulecetekela, munyina? [Munyina atila, “Ndecetekela no mutima wandi onse.”—Kale.]

<sup>208</sup> Mwe Lesa, Ndebika indupi shandi pali munyinane, nge fyo twaishiba ukutila Imwe epo muli muno, Shikulu. Napepa ukutila Mwala mundapa, mwi Shina lyakwa Yesu Kristu. Ameni.

Shonse imembu nashitumbulwa? Iyo, taumfwa. Ulecetekela ukutila uli no kumfwa? [Nkashi atila, “Ndecetekela. Lelo Naliba nkomya matwi.”—Kale.] Ulecetekela.

Umwanakashi ni nkomya matwi nomba. Ifwe twalapepa pano.

<sup>209</sup> Mwebasuma Lesa, Napepa ukuti Mwalaundapa nkashi yesu, kabili nokufumyapo ubu bunkomya matwi pali ena. Ena naikala mwi sonde ilyaisalwa-kunse, uko teti omfwe. Ndepepa ukutila Imwe mwalapela ukundapwa kwakwe, ukupitila mwi Shina lyakwa Yesu.

<sup>210</sup> Nalaipusha abantu ukukontamika imitwe yenu, pali miniti. Ndefwaya ukumona ico cacitike kuli ena. Nomba, napapata, mwi Shina lyakwa Yesu Kristu, mwileka nangu umo emye umutwe wakwe nangu amenso. Nomba, imwe tamulingile ukucita ico mpaka Namweba ukucita.

<sup>211</sup> Bushe ulengumfwa nomba? [Nkashi atila, “Cena tacileumfwika bwino.” Munyina Branham atote ndupi shakwe umuku umo. “Kuti nakumfwa.”—Kale.] Wangumfwa? [“Panono.”] Wangumfwa? Ena aleumfwa nomba. [Munyina Branham atota nakabili.] Wamona? Uleumfwa ico iciunda?

<sup>212</sup> Nomba ucetekele no mutima obe onse. Walacita? Kabili cetekela, kabili Lesa alakulenga ukuba umutuntulu umupwilapo. Acitila. Nacipepafye no kubika indupi shandi pa matwi yakwe, kabili acisosa kuti aumfwa icintu cimo. Cisuma, twalililenifye nomba, ukucetekela ukutila muli no kumfwa ukupwililika, kabili muli no kumfwa.

Bushe imembu shonse nashitumbulwa, nkashi? [Nkashi atila, “Ee.”—Kale.] Iwe nauipekanya palwa bundapishi bobo? [“Ee.”]

<sup>213</sup> Mwebasuma Lesa, Ndebika indupi shandi pali nkashi yandi, ukwishiba ukutila muli ifwe tamwaba icintu icisuma, muli ifwe. Lelo twalishiba ukutila tuli bena Kristu, abafyalwa ku Mupashi wakwa Lesa. Kabili tulebika indupi pali nkashi yesu no kulomba ukundapwa kwakwe, mwi Shina lyakwa Yesu Kristu. Ameni.

<sup>214</sup> Nomba ulecetekela uli no kundapwa? [Nkashi atila, “Bwino.”—Kale.] Cisuma, nomba iwe—iwe naundapwa. Ulya emusango wakucicitilamo. Cilya cishinka. Cisuma.

215 Imembu shonse nashitumbulwa? [Nkashi atila, “Ee, mukwai.”—Kale.] Kabili iwe nauipekanya palwa bundapishi bobo? [“Ee.”] Ulecetekela, pa kubikapo indupi, ukutula Lesa Uyo waishiba imitima ya bantu, ali no kukulenga ukuba bwino? [“Ndecita.”]

216 Taata uwa mu Myuulu, Napepa ukutula Imwe Mwalaundapa nkashi yesu, ilyo tulebika indupi shesu pali ena no kulomba mwi Shina lyakwa Yesu Kristu ukutula Imwe muli no kumulenga ukuba umutuntulu. Ameni.

217 Ulishani? Mucine, nawishiba ukutula Ninjishiba icilubene naiwe. Lelo Nshilecilandafye; pantu, nawishiba, cili—cili nokulatwalililafye noku twalililafye. Lelo nga imwe muli. . . Bushe imembu shonse na shitumbulwa? [Nkashi atila, “Ee, mukwai.”—Kale.] Kabili ulecetekela ukutula Lesa alakulenga ukuba umutuntulu? [“Ee, mukwai.”] Bushe ulecetekela ukutula ukukalipa kwa mafupa. . . Ninanda kale cilya.

Mwebatemwikwa Lesa, Napepa ukutula Mwalamwafwilisha no kumulengo kubo mutuntulu. Peleni ici, mwi Shina lyakwa Yesu.

Iwe tawakabe uwalemana. Kabiye, cetekela no mutima obe onse.

218 Bushe ulecetekela ukutula Lesa alakulenga ukuba umutuntulu? [Nkashi atila, “Ameni.”—Kale.] Shonse imembu nashitumbulwa kabili uli uwaiteyanya kukundapwa kobe? Ulecetekela inuma yobe yalaba bwino?

Mwebatemwikwa Taata wa mu Myuulu, Ndepepa ukuti Mwalamundapa kabili ukumulenga abe bwino. Mwi Shina lyakwa Yesu Kristu, lekeni cibe ifyo fine. Ameni.

Lesa akupaale, nkashi. Kabiye, ulecetekela nomba.

Bushe imembu shonse na shitumbulwa, nkashi, nauiteyanya ku kundapwa kobe?

Mwebatemwikwa Lesa, imembu shakwe, aletila, nashitumbulwa. Nabika indupi shandi pali uyu mwanakashi, mwi Shina lyakwa Yesu Kristu, ukwipusha ukundapwa kwakwe. Ameni.

219 Shonse imembu nashitumbulwa? Ufwile ukuba bwino, naulwalisha nganshi, nawishiba ico. Nawishiba ukutula Ninjishiba ico cilubane na iwe. Kabili bushe ulecetekela ukutula Lesa alakulenga ukuba bwino, ukundapa umutima obe no kukulenga iwe ukuba umutuntulu umupwilapo?

Mwebatemwikwa Lesa, Napepa ukutula mwi Shina lyakwa Yesu Kristu, ukutula Mwala mundapa no kumulenga ukuba umutuntulu. Lekeni ici cifume pali ena, Taata, mwi Shinia lyakwa Yesu. Ameni.

Lesa akupaale nomba. Witwishika. Kabiye, ulecetekela.

Imembu shonse nashitumbulwa? Nauiteyanya ukundapwa?

Mwebatemwikwa Taata wa mu Myuulu, Nabika indupi shandi pali nkashi yesu. Mwi Shina lyakwa Yesu Kristu, lekeni ondapwe. Amen.

Witwishika. Kabiye, ulecetekela.

Imembu shonse nashitumbulwa, uli uwaiteyanya ku kundapwa?

<sup>220</sup> Mwebatemwikwa Taata wa mu Myuulu, Napepa ukutila Mwalaundapa munyinefwe, mwalamulenga ukuba bwino. Peleni ici, Taata. Ndebika indupi shandi pali ena, pa mulandu wa uyu mulimo, mwi Shina lyakwa Yesu Kristu. Amen.

Lesu akupaale. Nincicetekela no mutima wandi onse.

Bushe ulecetekela nomba, nkashi? Imembu shonse na shitumbulwa kabili nauiteyanya ku kundapwa?

Mwebatemwikwa Lesu, Nabika indupi shandi pali nkashi, mwi Shina lyakwa Yesu Kristu, lekeni ena ondapwe ku bukata Bwenu. Amen.

<sup>221</sup> Nomba inshitafye ishingi nga filya, ukukumyafye, nge fyo Yesu asosele, “Ifi fishibilo fikakonka abo abacetekela. Nga babike ndupi shabo pa balwele.” Nintampa ukumona, mu kulongana, ukutila cilacitika bwino pama pesenti fifite ukucila ifyo cicita ilyo mwaita abantu mu mulongo, ukukwata ukulingulula, pantu imwe muyafye kubanono. Kabili, iyi nshila, kulaba abengi ukucilapo abondapwa.

<sup>222</sup> Bushe nautumbula imembu shobe shonse isha kukana cetekela ne fintu fyonse? Ulecetekela nomba ukutila walaundapwa? [Nkashi atila, “Ee, no kulubulwa.”—Kale.]

Mwebatemwikwa Lesu, Ndepepa ukutila Mwalaundapa nkashi yesu ilyo Nabula amaboko yakwe no kulomba mwi Shina lyakwa Yesu Kristu pa kundapwa kwakwe. Amen.

Lesu akupaale, nkashi.

Bushe ulecetekela nomba? [Nkashi atila, “Ee.”—Kale.] Shonse imembu nashitumbulwa? [“Ee.”]

Mwebatemwikwa Lesu, Nabika indupi shandi pali nkashi yesu, mwi Shina lyakwa Yesu Kristu, pa kundapwa kwakwe. Amen.

Lesu akupaale, nkashi.

Cilemoneka kwati kantu akanono sana, lelo ni Lesu Uyo uwacilaile.

Imembu nashitumbulwa?

Lesu Watemwikwa, Napepa ukuti Mwalaundapa uyu nkashi yesu. Ilyo Nabika indupi pali ena mwi Shina lyakwa Yesu Kristu, lekeni aleya no kuba umutuntulu. Amen.

Imembu nashitumbulwa?

Mwebatemwikwa Lesa, Napepa ukutila Mwalaundapa nkashi yesu, ilyo Nabika indupi pali ena, mwi Shina lyakwa Yesu Kristu. Amen.

Nomba ilyo muleisa nomubili, lekeni cena cume pamaka, cili no kutendeka ukubomba.

Imembu nashitumbulwa? [Nkashi aasuka—Kale.] Nauiteyanya.

Mwebatemwikwa Lesa, Napepa ukutila Mwala mundapa no kumulengo kubo mutuntulu, mwi Shina lyakwa Yesu Kristu. Amen.

Lesa akupaale, nkashi.

Imembu shonse nashitumbulwa? [Nkashi atila, “Fyonse.”—Kale.]

Mwe Lesa watemwikwa, nge fyo uyu mwanakashi andolesha mu linso, Nincetekela cilya. Napepa ukutila Mwala mundapa, mwi Shina lyakwa Yesu.

<sup>223</sup> Imwe muletele ena, mumuletelefye, nkashi? Mumuletelefye ena? Cisuma. Ulecetekela, nkashi, ukutila Lesa alakulenga ukuba umutuntulu? [Nkashi atila, “Nincetekela Lesa kuti ampela ukumona nakabili.”—Kale.] Lesa akupale iwe.

<sup>224</sup> Taata wa mu Myuulu, Imwe lyonse muli baluse ku mpofu, nakubalekabila. Nomba nabamona ifyo Mucitile muno bushiku. Eico natucetekela, Shikulu, ici cishibilo icikalamba icakulekelesha ukwenda pakati kesu nomba. Ndelomba ukumona kwa uyu mwanakashi impofu ukwisa kuli ena, mwi Shina lyakwa Yesu Kristu. Amen.

Nomba, landeni kuli ifwe nomba. Landeni ico.

[Nkashi alanda kuli Munyina Branham—Kale.] Oh, ee, ulecetekela ukutila Lesa alakundapa? [“Alleluya!”]

Umudemwikwa Taata uwa mu Myuulu Nabika indupi shandi pali nkashi yesu no kulomba ukutila Imwe mwala mundapa, mwi Shina lyakwa Yesu Kristu. Amen.

Lesa akupaale, nkashi. Lekeni tumfwe ifyo imwe—ifyo mulebomba.

Bushe naucetekela, nkashi? [Nkashi atila, “Ee, Nincita ico.”—Kale.]

O Mwebatemwikwa Taata uwa mu Myuulu, Napepela nkashi yesu, ukusubila ukutila Imwe mwala mundapa nomba. Nabika indupi shandi pali ena, mwi Shina lyakwa Yesu Kristu.

Nomba cetekela. Ico nacilungama. Kabiye fye, ulecetekela.

Bushe naucetekela, munyina? [Munyina atila, “Ee.”—Kale.] Imembu shonse nashitumbulwa?

Mwebatemwikwa Lesa, Napepa ukutila Mwalaundapa munyinefwe no kumulengo kubo mutuntulu, mwi Shina lyakwa Yesu Kristu. Ameni.

Naucetekela, nkashi?

<sup>225</sup> Mwe Lesa, Napepa ukutila, mwi Shina lyakwa Yesu Kristu, mukuicefya, mubusuma no bufuke ubwa ino nshita, lekeni Mupashi wa Mushilo alenge uyu mwanakashi ukuba nobumi ubusuma. [Nkashi atila, “Kabili Napepa, ukupepeleko umwana wandi. Nshamumonapo pa myaka amakumi yabili.”—Kale.] Napepa ukutila Lesa alatuma umwana wenu kuli imwe, nkashi, wemutemwikwa. Lesa akupaale.

Mwebatemwikwa Taata, Napepelako nkashi yesu pano. Mu busuma bwa Mupashi wa Mushilo, lekeni Ese nomba nokundapa nkashi yesu, mwi Shina lyakwa Yesu. Ameni.

Akupaale, nkashi.

Mwebatemwikwa Lesa, Napepelako munyinane, ilyo ena eminine apa kabili Nabika indupi pali ena, no kulomba ukundapwa kwakwe, mwi Shina lyakwa Yesu.

Akupaale, munyinane. Cisuma.

Umulumendo umunono?

Mwebatemwikwa Lesa, nabika indupi shandi pali uyu umunono, Namupaala mwi Shina lyakwa Yesu Kristu, pabundapishi bwakwe.

Naucetekela nomba, nkashi? [Nkashi atila, “Ee.”—Kale.] Ulefwaya ukupepelwa na iwe?

<sup>226</sup> Mwe Lesa watemwikwa, Namupepelako, ilyo Nabika indupi pali ena. Nomba, uku kulashika Kwenu, eflyo Mwalandile ukucita, “Ifi fishibilo fika konka abo aba cetekela. Ngacakuti babika indupi shabo pa balwele, bakapola.” Mwalandile ico, Shikulu. Ameni.

Nomba, Alilandile ico, Talandile? Cifwile caba muli iyo nshila, nkashi.

Mwe Lesa, Napepa ukutila Mwalaundapa nkashi yesu no kumulenga ukuba bwino, mwi Shina lyakwa Yesu Kristu. Ameni. Lesa akupaale, nkashi.

Iwe wishile ulecekela, nkashi?

<sup>227</sup> Mwebatemwikwa Taata wamu Myuulu, Ndelomba amapalo Yenu pali nkashi yesu, ukunakilafye ifyo Mwalandile ukucita. Mwatile, “Ifi ifishibilo fikakonka abo aba cetekela. Nga babika indupi shabo pabalwele,” Mwatiile, “bakapola.”

<sup>228</sup> Lekeni Njiminine pano pakashitafye, ukusosa muli ici, ukulekafye abantu ukutusha pakashita, pakashitafye. Kasusha inshita imo atiile, kuli ine, cilya teifyo caba. Lelo, mwamona, Atile, “Ifi fishibilo fikakonka.”

<sup>229</sup> Mwalyumfwa i Mbila yandi pa *Kweshiwa*, ukubika Yesu mukweshiwa. Mwamona, Ena aebele Noah, “Ili nokuloka.” Tayalokelepo pa myaka umwanda umo na makumi yabili, lelo yalilokele nangu cibe fyo. Aebele Abrahamu ukuti ali nokukwata umwana umwaume kuli Sarah. Papatile imyaka amakumi yabili na-isano. Ena tatalile landa lilali. Atilile bali no kukwata umwana. Panuma ya myaka amakumi yabili na-isano, calicitike. Mwamona, Tasosele nililali.

<sup>230</sup> Atilile, “Ipepo lya ci cetekelo lili nokupususha abalwele. Lesa ali nokubemya. Ngacakuti bena batambalika indupi pa balwele, bena bakondapwa.” Bushe filya eflyo Asosele? Tasosele ukuti bakalatolauka no kucicita lilya line. Atilile, “Bakaba abatuntulu.” Mwamona, bulya bulayo Bwakwe. Filya eflyo twacetekela.

Isa, nkashi. Naucetekela cilya ukuba icishinka? [Nkashi atila, “Ee, ndecita.”—Kale.] Lyena ninshi tapali inshila yakukukanya iwe ukondapwa.

Nabika indupi shandi pali nkashi, mwi Shina lyakwa Yesu Kristu, ku kundapwa kwakwe. Amen.

Bushe ulecekela, nkashi? [Nkashi atila, “Ee.”—Kale.] Imembu shonse nashitumbulwa, kabili nauiteyanya?

Mwebatemwikwa Lesa, Nabika indupi shandi pali nkashi, mu kunakila amafunde Yenu, kabili ukulomba ubundapishi bwakwe, mwi Shina lyakwa Yesu. Amen.

<sup>231</sup> Ndefwaya imwe mwe balepepelwa, Ndefwaya imwe nuncitileko ububile. Ndefwaya imwe mulande, libe iyi misonkano tailapwa, icili nokucitika; kabili ukulekafye ibumba, abantu bambi, ukumona ico mucine icili nokucitika. Nalimo mailo, ubushiku ubukakonkapo, nangu ilyo, mukalolekeshe fye ico cikacitika.

<sup>232</sup> Inkalata shandi shalilangisha ukutila cena cili—cena cintu ca pusana nganshi ukucilafye ukubaleka bena ukwasha, ukwasha icitetekelo cabo abene. Pantu, Yesu atile, “Babika indupi shabo pali bena. Babika indupi shabo pali bena, bakaba bwino.” Nomba umfweni ico Alandile. Talandile ati bakatoloka nokubutuka pamulu-na-panshi pa mushili. Kuti bacita ico. Lelo Atilile, “Bena bakapola.” Bushe ifyo eflyo Alandile? Eflyo Ena alandile. Eflyo Ine nacetekela. Kabili Ena ali pano nomba, Umo uyo wasosele i Cebo cili pano ukucilenga ukube fyo.

Mulecekela, mukwai? [Munyina atila, “Amen.”—Kale.]

Mwebatemwikwa Taata wamu Myuulu, pa kutumbula kwa cicetekelo cakwe noku cetekela, Nabika indupi shandi pali ena, mwi Shina lyakwa Yesu Kristu, pa kundapwa kwakwe.

Mwebatemwikwa Lesa, Nabika indupi shandi pali uyu namayo, mwi Shina lyakwa Yesu Kristu, pa kundapwa kwakwe. Cisuma.

Mwebatemwikwa Taata, Ndebika indupi shandi pali uyu mwanakashi, mwi Shina lyakwa Yesu Kristu, pa kundapwa kwakwe. Imwe mwatile, “Ena akapola.”

Nauiteyanya ku bundapishi, nkashi?

Mwebatemwikwa Lesa, Nabika indupi shandi pali ena, mwi Shina lyakwa Yesu Kristu, ukutila Mwala mundapa.

Cisuma, nkashi, wemutemwikwa, fyonse fili ifyateyanishiwa ku kundapwa? Icitetekelo cobe nomba nacifikilishiwa, ulecetekela uli no kuba bwino?

<sup>233</sup> Kabili, mwe Lesa, Nabika indupi shandi pali ena, mu kunakila amafunde Yenu, “Kwi sonde lyonse, icibumbwa conse.” Nabika indupi pali ena, mwi Shina lyakwa Yesu, pa kundapwa kwakwe.

Mwebatemwikwa Lesa, Nabika indupi shandi pali munyine, mwi Shina lyakwa Yesu Kristu, pa kundapwa kwakwe.

Mwe Lesa, Nabika indupi shandi pali nkashi yandi, mwi Shina lyakwa Yesu Kristu, pa kundapwa kwakwe.

[Tapali amashiwi pali tepu—Kale]. . . ukupita munshila. Nshacilafwayafye ukuminasha imwe. Imwe muli nokubafye bwino nga muli nokucetekela cilya nomba.

Mwebatemwikwa Lesa, Ndepepa ukutila Mwalaundapa nkashi yandi, mwi Shina lyakwa Yesu Kristu. Amen.

[Tapali amashiwi pali tepu—Kale]. . . ukungafwilisha ukupepela aba bantu.

<sup>234</sup> Nomba natukwata ututambala tumo muno, kabili na fimbipo, muno, utwa kukupepelwa. Kabili Ndefwaya imwe mutwalilile ukupepa pamo naine nomba, nomba, utu tufipe utunono, nomba. Ninjishiba ici cileumfwika iceni sana ku bantu ukupepela pa kantu akanono nge fi. Lelo nga kuti mwaisa fye mwi ofeshi lyandi, umuku umo, kabili ukulolekeshafye. Nga twalesunga amabunte ukupita mu myaka iyi, Nde elenganya nga tamwacifula ifi pacintamba ici, abaundapwa pakutumafye ishi shine insalu shamapepo ngefi, bena ma milioni, ukushinguluka kabili ukushinguluka icalo. Nomba, namwishiba ifyo cena cili—cena cili?

Umo muntu asende kalya akatambala palya akaulya—ulya umwaiche. . . Walaishiba akatambala kobe, bushe walacita, munyina? Cisuma.

<sup>235</sup> Kabili Nalimona abana abanono, abalemana ukundapwa. Kabili mulemona, eflyo cili, cena cifulofye cakukumaninapo, ngeflyo Oral Roberts alelanda. Cena cifulofye cakukumaninapo. Tulepepa. Nomba, tatucita ifi fwebene, tucita ifi pantu Baibele yatulashika ukucita ifi. Ifwe bonse twalishiba cilya cishinka.

<sup>236</sup> Nomba, kuliko abantu abengi abo basuba ututambala, kabili na fimbipo. Cisuma, nomba, ifwe tuletontonkanya ukuti cilya cilifye bwino, mucine, lelo nga ifwe. . . Baibele taisosa ukutula bena “balisubile” ututambala.

<sup>237</sup> “Lelo bena basendele ukufuma ku mubili wakwa Paulo ututambala.” Nomba moneni ico Nacilalandapo? Nomba, ifyo bamwene, yalya maka ayakucincimusha ayali muli Paulo, ukutula balishibe ena ali mubomfi wakwa Lesa. Balishibe ukuti Lesa aali muli ena. Balishibe ukutula fyonse fintu aikete fyali ifyapalwa. Nibanga abaleumfwa ico? Landeni, “Ameni.” [Ulukuta lwatila, “Ameni.”—Kale.]

<sup>238</sup> Namwishiba, Ndetontontkanya Paulo aliko mu Malembo mufyo acitile. Tamuletontkanya ifyo? Mulefwaya ine ukumweba apo Ndetontontkanya ukuti ena afumishe itontontkanyo ilya kucicita? [Umo muntu atila, “Ukufuma kuli Elisha.”—Kale.] Ukufuma kuli Elisha, ico nacilungama. Mwamona, Eliya atiile, “Senda iyi nkonto nokuya ibika pa mwana.” Kabili kasesema atumine inkonto pantu alishibe ukutula icintu icili conse ico aikete calipalwa. Ena alishibe icifulo cakwe. Ena. . . nga ena kuti asendafye umwanakashi ukucetekela icintu cimo cine.

Nomba mwamona, nomba, Baibele tayatala ukusosa, “Bena bakapepela abalwele.” Yatiile, “Bakabika indupi shabo pa balwele.”

<sup>239</sup> Nomba tontontkanyenifye, abantu balimwene, mu mutumwa Petro, Mukubapo kwakwa Lesa ukulangishiwa muli uyu muntu, icakutula bena—bena babikile na bantu mu cinshingwa cakwe, kabili bena balyundepwe. Nibanga abaishiba cilya camu Malembo? Ico cilifye nganshi mu Malembo ngefyo Yohane 3:16. Mwamona, Conse Cebo cakwa Lesa. Nomba, abantu, mwalishiba icinshingwa ca ulya mwaume tacaundepe abantu.

<sup>240</sup> Lelo, lolesheni, nga maka yakwa Lesa yali pali ulya kasesema, pa myaka ne myaka panuma afwile, icakutula umuntu uwafwa aiposele pa mubili wakwe, amafupa yakwe. Umubili tawalipo palya; amafupa yali palya. Kabili u Kubapo kwakwa Lesa kwali pali yalya mafupa, mpaka ulyo muntu uwafwa aishile ku mweo.

<sup>241</sup> Nomba bushe tamwaishiba ukutula ulya wine Lesa uwacitile fyonse filya fintu ali muno mwine muno bushiku? Kuli—kuli ine, Ndetontontkanya tulingile ukuba abantu aba nsansa nganshi mwisonde lyonse. Tontontkanyenifye pali ici.

<sup>242</sup> Ine—Ine ndesubila ukutula Nshawamyafye kwi bumba ukucetekela ukutula cena cintu cimo ico Ncita ne mwine. Imwe—imwe namwishiba icisuma ukucila ico. Ine, Ine nine ndume yenu, mwamona, kabili Ndi ndume yenufye.

<sup>243</sup> Lelo Nalishiba, Nalishiba ici, ukutula Lesa ali muno. Kabili Ninjishiba ukutula Ena alipela icintu cimo kuli ifwe, ico teti



tulondolole, pa Cebo cakwa Lesafye epela, ukulanda ati cifwile ukuba pano pali ino nshita. Eico, cena nakabili cilatupela ifwe icilangililo ukwishiba ukutila tuleikala mu nshiku sha kulekelesha. Cilatupela ifwe icakwishibikilwako ukwishiba ukuti aba bantu, aba basalwa, abalashikwa, abo abaitwa-ukufuma, abalingilwa kalibela. . .

<sup>244</sup> Nomba, cilya lishiwi ilikalamba, *ukulingilwa kalibela*, lelo ifwe bonse twalishiba ukutila cena cishinka. Ifwe mucine twalishiba ukutila Lesa uushakwata impela alingile kalibela ifintu fyonse ukupitila mukwishibila kalibela ilyo umufula we sonde taulalengwa, nangula u Mwana wa mpaanga alipaiwe; kabili ishina lyonse ilyo lingatala ukuba pe Buuku, lyabikilwe pe Buuku ilyo i Buuku talilatalwa ukulembwa. Nomba ni banga abaishiba cilya ukuba icishinka?

<sup>245</sup> Kabili Yesu aishile ku—ku kulubula abo abali mwi Buuku. Muli Baibele, u Mwana wa mpanga afumine kunuma ya cipembe, kabili asendele i Buuku nokwisula Ifikakatikilo ifyo Lyakakatilwe nafyo, pantu Ena aishile mukupoka fyonse ifyo Ena alubwile. Ena ni Kapapatila nomba, Kapapatila ukucita ukupapatila pali abo Ena alubwile. Bonse abo ishina lyalembelwe mwi Buuku ilya Mwana wa mpaanga ilya Mweo, balilubulwa.

<sup>246</sup> Ngefyo Nalandile ishiwi ilinono ilyakalabana inshita imbi iya bushiku. . . Ndelolela pali i. . . utu tutambala tonse pano. Nshileeshafye ukushimikilapo nakabili, lelo Natiile kwaliko insoselo inono. . . Ndesubila ici tacileumfwika ica musalula, mwamona. Lelo nga umulimi uyo waikalike inkoko, kabili takwete amani ayalinga, eico ena asendele ilini lyakwa kapumpe, kabili alibikile mwisamba ya nkoko kabili yototwele kapumpe. Kabili ena ali cintu icaibela nganshi pakati ka nkoko shonse, pantu shena tashamwene ifintu ifyapaleneko. Lelo filya efyo atalilefye ukumonapo, cali ni na nkoko. Aumfwile fye ishiwi limo, tacaumfwike nge shiwi lyakwe. Kabili tapangilepo ishiwi kwati ni na nkoko nangu inkoko. Ena tatashishe imilile yabo, ilyo balya ukufuma mulubansa lwa butala. Kwaliko icintu cimo icaibela pali ena, nomba ena taishibe ifyo bupusano bwali.

<sup>247</sup> Kabili nomba ubushiku bumo, kwaliko nyina kapumpe uyo waishibe ukuti alibikile amani ayengi nganshi. Kabili kwaliko umo pali yalya mani, uyo wali nokuba umwana wakwe, alibuulilepo. Eico ena aile mukumufwaya, kabili amusangile mulubansa lwa butala. Kabili alilile. Kabili ilyo alilile, kapumpe munono aishibe ishiwi lyakwa nyina. Ngefyo Yesu asosele, “Impanga shandi shalishiba i Shiwi Lyandi.”

<sup>248</sup> Ndetontonkanya, mailo ubushiku, ilyo Namwene lilye bumba lya ba Baptisti, Presbyteriani, kabili na fimbi-po, bena kuti bafyalilwa mwisamba lyakwa nankoko. Njelelako, munyina, mwamona. Lelo Nyina alishibe ukuti Alikwete

abatemwikwa Bakwe kuse kumo kulya. Eico balya baume ukwiminina kulya, ukwabula ukutalikishanya filya ifyo bakwete ukufuma kuli bana nkoko, kabili na fimbipo, lelo nomba bena ni bakapumpe, mulemona, balapupukila icakulya cabo. Mwamona?

<sup>249</sup> Kabili Ndetontonkanya ulukuta cintu cimo icapala nge cikope ico Namwene tekale sana, ukwisa ukufuma ku Tucson, nangu ukufuma—ukufuma ku Phoenix, ukuya ku Tucson. Nalimwene ukumona ukwa kupapusha. Kabili cena cali kwati calingumfwiha ubulanda, ukumona ico icacitike, ifyo... pungwa, uyo uwalepupuka mulwelele, munyina kuli kapumpe, ico caba icipasho ca chalichi.

Kabili Yehova ni Kapumpe. Ena aitie bakasesema Bakwe “bakapumpe.” Ena aliitile Umwine, Yehova, “Kapumpe.”

<sup>250</sup> Lelo uyu pungwa alilufya kale icishibilo caikwe, pantu ena tapupuka mulwelele nokulunga inama shaiko ngefyo cifwile ukuba. Lelo ekala pama ntambo shama lamya kabili acita kwati likubi. Ena—ena alunga utululu utwafwa uto imyotoka yaipaya, kabili ena namakubi baya palya mukulila capamo. Atolauka kwati likubi, munshila yakwenda ngefyo afwile ukwenda. Alilufya icishibilo cakwe.

<sup>251</sup> Kabili Ndesosa ici no kutemwa konse ukwa bulesa no mucinshi, ulukuta nalulufya kale icishibilo caluko nga nkashi kapumpe. Ena ekala ukushinguluka. Mucifulo ca kwimba mukati ka Cebo no kusanga nga cakutila ifi fintu fili ifyalungama, alolela umwina wamasambilisho yapa Mulungu ayo ayapangwa kwibumba lya ba mano kucifulo kumo, kalulu umo uwafwa uyo waipaiwe ku cifulo cimbi. Atoloka nge kubi! Lesa atwafwilishe ukupupuka ukufuma kuli cilya.

Aya mabulayo ya cine. Te filya ifyo muntu umo asosele palwa Cena, lelo ifyo Lesa asosele palwa bena! Fyena fyacishinka. Ndi uwansansa sana ukuba uwa ampana pamo na bakapumpe.

Natupepe capamo ku balwele besu.

<sup>252</sup> Mwebatemwikwa Taata wamu Myuulu, cali fundishiwa muli Baibele ukuti babulile ukufumya pamubili wakwa Paulo, ututambala ne nsalu, kabili ifiwa fyafumine mu bantu, ne mipashi iya kowela yali bashile. Nomba, Taata, ine ukwiminina pano pali utu tutambala, tuleimininako umuntu onse uulipo. Cena Mubili wakwa Kristu, ifwe capamo. Ifwe tulelumbula, ku kusenamina no kutemwa, ukutila tuli muno ukwimininako Nabwina Wakwe, no kucetekela, ukwampana Nankwe mu Bufumu Bwakwe. Kabili natwishiba tatuli uwa Shila Paulo, lelo natwishiba Imwe mucili Yesu.

<sup>253</sup> Kabili tulepepa ukutila Mwalacindika icitetekelo ica aba bantu. Nga bena balikele kunuma mu nshiku shakwa Paulo, bena nga balyumfwile iyi ine Mbila nsuma, nga balimwene ifi fintu fimo fine. Eico kanshi, bena bantu ba musango umo wine.

Imwe ni mwe Lesa umo wine. Eico Napepa, Lesa Umutemwikwa, ukutila Imwe muli no kucindika icitetekelo cabo, nga filya Imwe mwacitile balya mu nshiku sha Baibele. Kabili lekeni amaka yonse aya ngulu, amalwele yonse, ukucushiwa konse, ukwa kaka abantu ukutila utu tutambala nefipe ifili pano, lekeni yalya amaka yamulwani aya bulwele yabashe.

<sup>254</sup> Casoselwe ukutila, inshita imo, ukuti Israeli aleenda mu mulongo wa mulimo, ku calo ca bulayo. Kabili mukulungatanafye mumulongo wa mulimo, umulwani aishile nokubabwesha mulusoso, kabili Bemba uwa Kashika ali baputawile ukufuma mu cishilwa ca mulimo, kabili napa kwenda pelete kwabo. Kabili Lesa alolekeshe panshi ukufuma mu myulu, ukupitila mu Ntumba ya Mulilo, kabili bemba aishile umfwa umwensho. Yalikunkulukile kunuma ya mabimbi yaiko, pantu amabimbi yakwa Lesa yali mukati ka bemba. Kabili Cena capangile nshila ku bana Bakwe, ukwenda mu mushilwa wa cumfwila.

<sup>255</sup> Nomba, Lesa, nga Bemba Wakashika kuti yaumfwa umwensho, nokubwesha kunuma amabimbi yaiko, ukupetela kunuma amenshi yaiko, nokupela icifulo kubana abali pabulendo bale enda pelete muku nakila; Mwebatemwikwa Lesa, muno bushiku, lolekesheni panshi ukupitila mu Mulopa wa Mwana Wenu, Yesu, Uyo uwapele ubulayo. Kabili ilyo utu tutambala tukalabikwa pamibili iilwele iya bantu, lekeni amenso yakwa Lesa yaloleshe, kabili lekeni bulya ubulwele, ulya ciwa, abe uwamwensho nokufumapo. Kabili lekeni abantu basunge ubulendo bwaku Mpanga ya bulayo, no bumi ubusuma na maka. Ngefyo Israeli aendele pelete ukupita mu matololo, takwaliko umuntu nangu umo uwanakuka pakati kabo, ku mpela imbi. Lekeni cipelwe kuli aba bantu, Taata, pantu tuletuma utu tutambala, mwi Shina lyakwa Yesu Kristu. Amenii.

<sup>256</sup> Lesa amupale, cila umo. Ilyo mulekwata ututambala twenu nomba, mulecetekela no mutima wenu onse. Bushe naucetekela ukuti Lesa alomfwa ici? Mwamona? Nde—Ndefwaya ukulanda ici. Mwiesha, mwiesha ukutwishika, nangu panono. Mwamona, cena kuti caba iceni nganshi. Munjeleleko, pali miniti fye. Mwitwishika, nangu panono. Lelo cetekeleni nomba ukutila, ifyo twalomba, Lesa alapela.

<sup>257</sup> Bushe naucetekela ukuti uyo ni Lesa pano, naishiba ifya nkama fya mutima obe? Namwishiba no kucetekela ulya ni Lesa? Nomba ikalika fye amatontonkanyo yobe nomba, teti cibe icintu cimbi. Mwamona?

<sup>258</sup> Nomba, nga cakutila kukaba umukalamba mailo, imyaka iyapitapo ici cikaba ilyashi lya kale. Kabili ilyo abantu, mu myaka ileisa, nga cali no kuba filya, bena kuti baisesa nokusosa, “Cisuma, nga cakutila Nali uwa mweo lilya, nga Nalimwene cilya ukucitwa, mune, filya fye fyeka nga efyo Naishibe. Ine

nga nalicetekele cena lilya line!” Mwamona, icintu cimo cine ico mwacetekela, nga mwali kunuma kulya ilyo Ena acitile lilya! Ibukisheni, cena cicili ni Ena. Cena Mweo Wakwe muli imwe. Lesa amupaale.



*UKUSHININKISHA I CEBO CAKWE* BEM65-0426

(Proving His Word)

Iyi Mbila na Munyina William Marrion Branham yaletelwe intendekelo mu Cingeleshi pali Cimo ubushiku, Shinde 26, 1965, ku mwikulo waba Full Gospel Business Men's Fellowship International convention pa Embassy Hotel mu Los Angeles, California, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)